

杜

詩

闡

杜詩闡第二十三卷目

種蒿芑

晚晴

宿江邊閣

白鹽山

灑瀕堆

瞿堂懷古

陪相中丞

奉漢王手札

覽鏡

聽楊氏歌

夔府詠懷

送十五弟

巫峽弊廬

君不見

送李功曹

別崔湜

贈蘇四

別蘇侯

壯遊

白帝

雨

雨晴

垂白

洞房

宿昔

能畫

鬪雞

歷歷

洛陽

驪山

提封

偶題

送田將軍

吾宗

寄第五弟豐

杜詩闡卷二十三

同學王日藻却非氏題

華亭盧元昌文子氏述

武林弟 璉漢華氏訂

夔州詩

大曆元年

種蒿苳

有序

既雨已秋堂下理小畦隔種一兩席蒿苳向二旬矣  
而苳不早坼獨野覓青青傷時君子或晚得微祿輒  
輒不進因作此詩

陰陽一錯亂驕蹇不復理枯旱於其中炎方慘如燬植物

半蹉跎嘉生將已矣

以言早

雲霞忽奔命師伯集所使指揮

赤白日預洞青光起雨聲先已風散足盡西靡山泉落滄

江霹靂猶在耳終朝紆颯沓信宿罷瀟灑

以上既雨已秋

堂下可

以叱呼童對經始莠今疏之常隨事耘其子破塊數席間

荷勛功乃止

以上理畦種莠

兩旬不甲坼空惜埋泥滓野莧迷汝

來宗生實於此此輩豈無秋亦蒙霜露委翻然出地速滋

蔓戶庭毀

以上莠不甲坼野莧青青

因知邪干正掩抑至沒齒賢良雖

得祿守道不封已

以上傷時君子賊軻不進

擁參敗芝蘭衆多盛荆杞

中園陷蕭艾老圃永爲恥登於白玉盤藉以如霞綺莧也

無所施何顏入筐篚

八句言野莧不足取

凡物感二氣而生氣一錯亂駢蹇難治莫如枯旱況南方  
氣炎又如燬哉因而植物蹉跎嘉生將盡猶幸入秋  
雲光與霰氣交蒸雨師與風伯皆集赤日退青光生无  
之以風散雨使布繼之以雨隨風而來既雨矣對堂開  
畦呼童經始莖本常蔬其子易栽地止數席爲功不繁  
蓋遠望其甲圻也如何二旬不圻泥澤空埋得毋野莧  
叢生所逼處此大隕霜殺草是爲秋令莧猶草耳豈獨  
無秋所使出地反速滋蔓難圖以致毀壞我門庭因知  
邪能干正莧之不生莧實妨之在賢人守道封植何心  
彼小人遭時妨賢病國宜乎莧不甲圻莧獨叢生豈獨  
莖也芝蘭亦爲其掩抑雖曰莧也荆杞亦不過如斯勢  
必中閤之內盡爲藹艾所可煨者老圃何地今若蜀逼  
虞乎此土耶有一日捧玉盤設霞綺我知所登者必非  
野草莧亦焉用彼爲縱僥倖入筐篚亦何顏堪此莧終  
不足取也○莖本常蔬公有取爾者甚莧之不足錄也  
易夾九五莧陸夾夾莧陸感陰氣生終不可長故上六  
卽曰無號終有凶此詩大指爲任用元載輩而發此卽  
猶蘭操中齊麥之茂齊麥之有君子之傷君子之守意

晚晴

曉照斜初徹浮雲薄未歸江虹明遠飲峽雨落餘飛

四句晚晴

之景鳬鶴終高去熊羆覺自肥秋分客尚在竹露夕微微

四句

晚晴之感

夕陽在山雨後初徹特浮雲一帶薄者未歸耳虹影垂

江有似平飲峽中積雨尚有餘飛視晴之景如此料想

鳬鶴在活終當高去祇有熊羆在山覺得自肥我圖出

峽秋分尚在對此夕露留滯何堪哉○鳬鶴君子熊羆

人小

### 宿江邊閣

江邊閣卽西閣公西閣詩有層軒俯江壁句

眠色延山徑高齋次水門

二句江邊閣

薄雪飛際宿孤月渡中

翻一句江鵲鶴追飛盡豺狼得食喧不眠憂戰伐無力正

閣之景

乾坤四句宿  
閭之感

日之夕矣直延山經有山徑即有水門江閭即當其  
歸巖際者雲何薄翻浪中者月正孤閭景如此遙想  
時兵如鵲鶴奔竄靡遺賊似豺狼橫行無忌我雖宿  
亦不眠憂戰伐耳戰伐以正乾坤自傷年老不能撥亂  
有其心無其力亦奈之何○當時吐蕃內訌節鎮抗命  
乾坤不正其矣王縉元載輩日事敵愾倂佛寇至講仁  
王經以讓之戰伐之事有難言者崔旰之亂朝廷務為  
調停比鴻漸反以節制讓之命討廢矣乾坤安在空公  
悵然罷寐耳追飛盡兵  
竭也得食墮齋盜糧也

白鹽山

卓立羣峰外蟠根積水邊他皆任厚地爾獨近高天

承卓立

白勝千家邑清秋萬估船

承蟠根

詞人取佳句刻畫竟誰傳

借刻畫無鹽結



此白鹽山其高迥出羣峰其大盤旋積水惟卓立峯外  
故他山任地不過坡地爾勢近天獨依日月惟蟠恨水  
邊故白勝之勢邑聚千家清秋之日船集萬估不任地  
獨近天有親上之志既千家復萬估為四方之維高大  
如此亦何取佳句煩人刻畫況詞人佳  
句從無傳者白鹽高大真出意表哉

灩澦堆

巨石水中央江寒出水長沉牛答雲雨如馬戒舟航天意

存傾覆

申加馬句

神功接混茫

申沉牛句

干戈連解纜行止憶垂堂

白警

缺口巨石為灩澦堆夏水漲其石半沒冬水淺其石出  
水今日秋漢江寒水落石出長矣有時歲旱積雨則沉  
牛於此而答雲雨其利固多有時水漲下峽則如馬在  
前而駭舟航為害不小戒舟航者慮傾覆也天意欲使  
傾覆者存故立石示戒至於與雲致雨其神功直接混  
茫宜乎沉牛答之我處此兵危又兼舟險自嘆非千金

之于半戒垂堂賭此堆也從此  
一行一止尚稟垂堂之戒哉

### 瞿堂懷古

西南萬壑注勦敵兩崖開地與山根裂江從月窟來

四句  
皆古

削成當白帝空曲隱陽臺疏鑿功雖美鈞陶力大哉

四句  
皆古

萬壑之水皆奔一處兩崖之際但開一門以兩崖一門  
當西南萬壑非勦敵而何此兩崖所開地應與山根俱  
裂此萬壑所注江疑從月窟遠來古有白帝此削成處  
適當其險古有陽臺此空曲中隱見其高削成空曲者  
神出疏鑿為之也疏鑿之功固由人力鈞陶之  
大原賴天工焉固不有其功天亦寧尸其德哉

### 陪柏中丞觀宴將士二首

極樂三軍士誰知百戰場

二句領  
至末

無私齊綺饌久坐密金

章醉客需鸚鵡佳人指鳳凰幾時來翠節特地引紅妝

宴以樂將士中丞宴將士極樂矣亦誰知今日極樂之  
宴原由當年百戰之功極樂何如中丞與將士同甘苦  
無私而綺饌不殊中丞與將士忘形骸久坐而金章漸  
密以觀醉客杯霑鸚鵡而盛餐狼籍以觀佳人蕭指鳳  
皇而歌曲繞梁夫中丞有百戰功今日固宴將士以為  
樂尤望天子念其前功遣使下臨頒詔行賞此時中丞  
以天子寵命特引紅妝載宴  
將士但不知幾時下臨耳

繡段妝簷額金花帖鼓腰一夫先舞劍百戲後歌樵

四句

江樹城孤遠雲臺使寂寥漢朝頒選將應拜霍嫖姚

四句

中丞宴士妝簷額者繡段為彩帖鼓腰者金花為飾  
舞劍鼓帖金花者將按歌也百戲後陳或唱變映之  
歌歌舞盛矣所可嘆者江樹蕭條戛城孤寄雲臺阻陽  
春使使不來朝廷選將常築韓信之壇元帥投閒未  
奉拜姚之命信手百戰之功其誰知之其誰知之

奉漢中王手札報韋侍御蕭尊師亡

秋日蕭韋逝淮王報峽中

二句已盡題面

少年疑柱史多術怪仙

公不但時人惜祇應我道窮

四句哭其亡

一哀侵疾病相識自

兒童處處鄰家笛飄飄客子蓬強吟懷舊賦已作白頭翁

六句兼

自傷

蕭韋因問得自漢中王手札也夫生歿亦常事所可疑者老子為柱下史而多壽韋方少年不應早逝尤可疑者仙公能延年而不死蕭既多術何以亦亡少年亦逝老者可知多術而亡無術者可知兩公之逝不但時人共惜直是吾道將窮耳我聞計一哀頓侵疾病由兩公相識昔自兒童地異山陽到處聞鄰人之笛詩悲舊植隨風飄客子之蓬所由潘岳懷舊之賦不堪再吟亦豈能如子桓所云已成老翁但未白頭也

覽鏡呈柏中丞

渭水流關內終南在日邊  
膽消豺虎窟淚入犬羊天  
起晚

堪從事行遲更覺仙

六句虛寫鏡中衰謝色萬一故人

鏡中衰謝色萬一故人

憐

二句題面

長安有渭水有終南我本渭水終南人乃不能歸關內  
於寇盜之窟幾度膽消不能到日邊對烏蠻之天淒然  
淚入彼作吏者須早起已似嵇叔夜之晚起豈堪從事  
彼為仙者必輕舉豈如蒯子訓之遲行乃更學仙夫膽  
消淚入我之形容可知惟惺惺起晚行遲我之精神可知  
全減矣乎鏡中之色頓覺衰謝此衰謝色鏡知之耳敢  
望人憐亦萬一故人憐而已故人何人中丞是也

### 聽楊氏歌

佳人絕代歌獨立發皓齒滿堂慘不樂響下清虛裏江城  
帶素月況乃清夜起老夫悲暮年壯士淚如冰玉杯久寂

莫令管迷宮微勿云聽者疲智愚心盡歟陽氏歌古來傑

出士豈待一知己

二句託感

吾聞昔秦青傾側天下耳

青結

絕代之歌曲高和寡亦獨立自發皓齒耳獨立一歌滿堂之人皆為不樂蓋由此歌縹緲疑下青虛當此良宵又值皓月乃益佳耳滿堂何人有老者有壯者有智者有愚者此時莫不停玉觴迷金管聽者疲而心盡歟滿堂慘不樂者如此彼陽氏一女耳其歌能使一堂中老者壯者智者愚者莫不傷心動魄況古來傑士豈必決得失於一夫之目哉今之陽氏即古秦青秦青撫節悲歌將過行雲聲振林木使天下人莫不傾耳亦若是而已○昔虞仲翔自云得一知己可以

不恨公言豈待一知己蓋反之也

秋日夔府詠懷奉寄鄭監

審

李賓客

之芳

一百韻

絕塞烏蠻北孤城白帝邊飄零仍百里消渴已三年雄劍鳴開匣羣書繫滿船離心不展衰謝日蕭然筋力妻孥

問菁華歲月遷登臨多物色陶冶賴詩篇

以上作冒峽東樂括全篇

滄江起巖排古樹圓拂雲埋楚氣朝海蹴吳天煮井爲鹽

速燒畝度地偏有時驚疊嶂何處覓平川鷗鷺雙雙舞

猴壘壘懸碧蘿長似帶錦石小如錢春草何曾歇寒花亦

可憐獵人吹戍火野店引山泉

以上敘夢之山川人物

喚起搔頭急

扶行幾屐穿兩京猶薄產四海絕隨肩幕府初交辟郎官

幸備買瓜時猶旅寓萍泛若黃緣藥餌虛狼籍秋風掃淨

使開襟驅瘴癘明日掃雲煙高宴諸侯禮佳入上客前哀

箏傷老大華屋艷神仙南內開元曲當時弟子傳法歌聲

變轉滿坐涕潸潸

公自注都督柏中丞筵開梨園弟子李仙奴歌○以上二十句見身謁夔府之

意

弔影夔州僻腸迴杜曲前

二句承上起下

卽今龍廐水

公自注西京龍

廐門苑馬門也

莫帶犬戎羶耿賈扶王室蕭曹拱御筵

乘威滅蜂蠆勦力効鷹鷂舊物森猶在凶徒惡未悛國須行

戰伐人憶止戈鋌奴僕何知禮恩榮錯與權胡星一彗孛

黔首遂拘攣哀痛絲綸切煩苛法令蠲業成陳始王兆喜

出於收宮禁經綸密台階翼戴全熊羆載呂望鴻雁美周

宣以上追敘肅代兩朝中興之業

側聽中興主長吟不世賢

二句承上起下

音微

一柱數道里下半千

公自注鄭在江陵李在夷陵

鄭李光時論文章竝

我先陰何尚清省沈宋歛聯翩律比崑崙竹音知燥濕絃

風流俱善價恰當久忘筌置驛常如此登龍蓋有焉雖云



隔禮教不敢墜周旋高視收人表虛心味道玄馬來皆汗

血鶴唳必青田羽翼商山起蓬萊漢閣連管寧紗帽淨江

令錦袍鮮東郡時題壁南湖日扣舷遠遊臨絕境佳句染

華牋

以上敘述鄭監李賓客

每欲孤飛去徒爲百慮牽

二句承上起下

生涯

已寥落國步尚遲遭衾枕成無沒池塘作棄捐

公自注卜棄遺懷因

遭亂離故棲處宴安之地皆蕪沒棄捐也別離憂怛怛伏臘涕漣漣露菊斑豐

鎬秋蔬影澗瀝共誰論昔事幾處有新阡富貴空回首喧

爭嬾著鞭兵戈塵漠漠江漢月娟娟局促看秋燕蕭疎聽

晚蟬雕蟲蒙記憶烹鯉問沉絲卜羨君平杖屨存子敬瓊

囊虛把釵釧米盡坼花釧甘子陰涼葉茅齋八九椽陣圖

沙岸北市暨溪西

公自注市暨夔人語也市井泊船處謂之市暨江水橫通山谷處居人謂

之羈絆心嘗折折連病即痊紫收岷嶺羊白種陸池遵色

好梨勝頰穰多栗近公家廚惟一味求飽或三鱸兒去看

魚笱人來坐馬羈縛柴門窄窄通竹溜涓涓塹抵公畦稜

村依野廟墻缺籬將棘拒倒石賴藤纏借問頻朝謁何如

穩晝眠誰云行不逮自覺坐能堅霧雨銀章澀馨香粉署

妍紫鸞無近遠黃雀任翩跹

以上敘還秋日夔府四字

困學違從衆明

公各勉旃

二句承上起下

聲華夾宸極早晚到星躔懇諫留匡鼎

諸儒引臘虔不過輪鯁直會是正陶甄宵旰憂虞軫黎元

疾苦躋雲臺終日畫青簡爲誰編

十句正明各勉旃意

行路難何有

招尋興已專由來具飛檝暫擬控鳴弦身許雙峰寺門求

七祖禪落悅追宿昔衣褐向真詮安石名高晉

公自注鄭高簡有太

傳之遺風昭王客赴燕

公自注李宗親有燕昭之美燕周之裔也

途中非阮籍查上

似張鷟披拂雲霓在淹留景不延風期終破浪水怪莫飛

涎他日辭神女傷春怯杜鵑澹交隨聚散澤國繞回旋本

自依迦葉何曾藉偃佺鑪峰生轉眄橘井尚高寒東走窮

歸鶴南征盡跼蹐晚聞多妙教卒踐塞前愆傾憶丹青列

頭陀琬琰鐫衆香溪黯黯幾地蕭芊芊勇猛爲心極清羸

任體孱金篦空刮膜鏡象未離銓

以上自敘終期出缺是詠懷人指

夔府孤城解在烏蠻北白帝邊我山雲安遷此路纔百里病已三年雖阻初常鳴維心還在乃書船空繫山

無期蓋因世既亂離年復衰謝故有懷不遂興復蕭然也  
也妻孥而外筋力誰知歲月云徂菁華早竭所自遺者  
惟有物色詩篇耳試言夔之山川人民土物風俗峽東  
江而雙起巖排樹而孤懸所排之樹拂雲而楚氣俱來  
所束之江湖海而吳天共湧其山川如此夔民災賸爲  
生復燒畝插種夔地鑿石爲峽故多險少平以言鳥舞  
水之灘驚雙雙以言獸懸木之欄猴箇箇嚴降垂繯長  
如絲帶江邊堆石小若青錢夔土暖草非春亦綠花迎  
春亦紅也夔俗殊向戾人而乞火引竹竿而注泉也其  
人民土物風俗如此我客夔以來惟知高臥喚起不過  
搔頭有興尋遊扶行幾回穿屐所以然者想兩京之田  
園猶在歸計未能傷四海之兄弟何人獨行堪憫雖遊  
幕府幸備臺郎乃已及瓜期未還朝署亦終成萍泛何  
意山繚繞河之加減徒然秋風未還朝署亦終成萍泛何  
暇章蔭得明目以掃雲烟而已偶遇中丞時逢高宴煙  
非上客忽近佳人哀筆奏而老大堪傷華屋是而神仙  
空絕追維南內歲在開元法曲授於梨園清歌傳於弟  
子沿流既久音律多訛忽聽仙奴之歌雖多變徵言念  
上皇之教輒復沾巾所以影弔夔州而彌憐賜回杜曲  
而愈煎也我之腸回杜曲者不獨故國舊君之感亦新

主中興足繫懷耳前此安史作亂龍殿之水曾染腥羶  
 未幾肅宗恢復清渭之流依然如帶光弼思禮賦賈流  
 也扶王室而再造張鎬房琯蕭曹侶也棋御筵而胥臣  
 俱能秉威滅蜂蕞之囚効力効鷹鷂之節然舊物雖復  
 凶徒未悛尚非歸馬之時使作止戈之計於是河北之  
 抗命日甚吐蕃之脩好靡益元振奴僕錯與大權將士  
 解心外夷入寇胡星一李黔首爲災遂使駕復蒙塵幸  
 而還京不日改元罪已頒哀痛之詔停止稅法蠲煩苛  
 之征業成而陳始王如七月之陳公劉顏真卿欲復貞  
 觀是也光喜而出于畋如後車之鼓呂尚郭子儀留守  
 西京是也陳始王則經綸密而鴻雁有歌出于畋則劫  
 賊全而熊羆有佐側聽中興之主不禁傾心長吟不世  
 之賢能無引領不世之賢何人兩公是也兩公之賢使  
 我長吟不置者以鄭在江陵一柱觀頭音徵數至也以  
 李在夷陵下牢關上道里幾千也據時論則皆推兩公  
 比文章則我獨居後陰何沈宋與之比肩截竹揮絃調  
 其音律其琢句風流也皆善價所求其使事歷當也亦  
 忘筌已久且節能好客有鄭莊置驛之風李更下賢有  
 李膺登龍之望禮數雖殊貴賤朋交豈失周旋既已高  
 視人羣猶然虛心味道安乎收之門下者馬皆汗血入

其網羅者，縶必青田哉。李官賓客，商山之羽，翼已成，歸  
拜，祕書蓬萊之妙選，不媿是管寧無志仕宦而紗帽則  
淨矣。江令受賜皇儲而錦袍彌鮮矣。今者二公閒散，退  
老優游，李也。東都道遙，時時題壁，鄭也。南湖嘯傲，日日  
泛船，如舷則遠近可懷，題壁則華腹足慕，與言及此，我  
豈不欲孤飛而去，無奈爲百慮所牽，何百慮所牽者，何  
在生涯寥落，憂在身也。國步連遘，憂在國也。義枕燕沒，  
棲處皆虛，地堪棄捐，故國何在。室家離別，空切巢南，嘶  
北之悲，伏臘踈遠，不及馬醫。夏畦之鬼，豐鎬我故土也。  
露菊空斑，潤廖我舊鄉也。秋蔬何在，升沉迭異，往事誰  
論。冰生日恨，新阡幾處，看浮雲之富貴，回首何堪。笑野  
馬之喧嘩，蒼黃倦矣，而泥烽煙滿眼，江月羈人，秋燕未  
歸，同其局促，晚蟬猶叫，類我蕭疎。乃時昔雖蟲蒙公記  
憶，常時烹鯉，問我沉絲，自歎挂杖無錢，徒羨君平之賣  
卜。顧此坐壘，焉用還留，子敬之偷餘，趙壹之囊既空，問  
及釵鈿，子桑之米亦盡，難係花鈿，甘子豈可療饑，茅齋  
聊以息影，看陣圖於沙北，真歎奇才訪市，暨於漢西，信  
成都會所，由心因羈絆而恆折病，以陋遲而得痊也。傷  
哉，貧也。樂亦在中，岷芋聊收，非羨卓家之富，池蓮仍種，  
還開陸地之花，梨好何如喜雪白之勝，顏栗多奚似快。

磊落之過拳肉味偶知仲長統之兼旨迂矣臣饑求免  
楊夫子之三鱸或然身異漁翁呼兒看笥人非季子留  
客坐鷗秋夜索綯多爲縛門之用山泉通竹聊免沽水  
之錢慙地無多半接公田之壤荒村一帶全依野廟之  
垣棘距穿籬分明補闕藤纏倒石亦是扶顛我秋日夢  
府如是而已休哉朝謁穩矣晝眠從此半塗且止何須  
夸父之窮追兀坐能堅有似淡源之不起所以銀章偶  
緇霧雨常濛粉署雖妍馨香自遠二公本紫鸞也所飛  
無近遠故人乃黃雀耳亦聽其翩跹故人困學自甘違  
衆二公致君庶幾勉旃勉旃之意何如勉公夾宸極以  
輔主勉公到星躔而致身勉公舉直留匡鼎之說詩勉  
公用人引服虔之正誼勉公輪轡直而不阿比勉公正  
陶甄而不偏岐於以上抒宵旰之憂下拯黎元之苦不  
然雲臺誰畫青簡誰編哉至於東西南北常輕行路之  
難涉水登山已切招尋之興招尋之興無他不過訪僧  
尋寺而已飛猷之具不自今朝鳴弦之控暫擬今日蓋  
飛猷適江湖之興而鳴弦防寇盜之警也此去老身將  
許雙峰不失曹溪之衣鉢此去禪門兼求七祖思合南  
北之兩宗追宿昔而落帆非云枉道向真詮而稽首從  
此皈依兩公一爲安石名高典午之朝一是昭王本屬

燕周之裔一官蓬閣非哭途之步兵一使吐蕃似泛槎  
之厚望往年披拂曾荷青雲今日淹留難延老景所由  
行路無難招尋有興也既曰由來具飛翮則終期於破  
浪既曰暫擬控鳴弦又何畏乎飛艇過神女廟而長辭  
聞杜鵑啼而已怯蓋聚散雖可惜而淡交何傷澤國從  
此遊而回旋正遠我本佛氏之徒欲皈依葉不是神仙  
之侶何藉佳陰廬山之鍾峰忽生轉瞬郴州之橘井何  
憚高舉以言東走直窮令威歸鶴之鄉若論南征竟抵  
馬援跡焉之界凡此皆訪僧尋寺覓雙峰求七祖也臨  
幾妙教可聞前憲得釋顧愷之丹青維摩宛在頭陀之  
宛琰碑文尚存衆香黯黯而來親十地芊芊而漸進勇  
猛爲精進之基清羸何慮所謂落帆追宿昔者宿願自  
此遂矣金篴有刮膜之力鏡象依然所謂衣得向真詮  
者真詮何日得耶我秋日愛府詠懷奉寄二公之意如  
此○大曆二年朝廷薦於佞佛胡僧不空出入禁闥王  
緒杜鴻漸兩附元載至不茹葷血三人侍上多談佛教  
中外臣民皆崇奉焉此南北二宗之外邪說橫  
行公曰身許雙峰寺門求七祖禪蓋欲正之也

送十五弟侍御使蜀



喜弟文章進添余別恨牽數杯巫峽酒百丈內江船四句送

事屬之

我今日於弟一則喜一則恨者以弟文臣使蜀耳蜀地方亂此去離巫峽過內江弟由此至蜀彼處豺狼戰鬪未息我留此已老自憐犬馬年歲空催弟行矣歸朝甚便今日豺狼尚及秋天搏擊之毋務姑息養亂也○是年八月杜鴻漸至成都見崔旰但接以溫恭無一言責其干紀又薦之朝公於弟使蜀曰未息豺狼鬪搏擊望秋天語意有謂

巫峽弊廬贈侍御四舅別之澄朗

江城秋日落山鬼閉門中

二句巫峽弊廬

行李淹吾舅誅茅問老

翁赤睂猶世亂青眼只途窮傳語桃源客入今出處同

六句

送之  
禮朗

江城日落山鬼爲徒弊廬蕭索甚矣吾舅將有澧朗之行過廬作別其行李淹留未去者蓋將以誅茅之意問及老翁耳人皆曰寇盜已平何須避地不知赤眉猶世亂也人皆曰青眼待人到處亨途不知青眼只途窮也庶幾桃花源作避秦人桃源在澧朗間想舅氏問老翁者正欲誅茅於彼傳語桃源中人今人出處與避秦人相似我栖遲巫峽亦豈得已也○按九歌六章末有山鬼篇屈原不以比君此已其篇中云山中人人兮芳杜若飲石泉兮蔭松柏君思我兮然疑作雷填填兮雨冥冥猿啾啾兮夜鳴風颼颼兮木蕭蕭思公子兮徒離憂山鬼所思如此公曰山鬼閉門中知其所託矣

君不見簡蘇侯

君不見道邊廢棄池君不見前者摧折桐百年灰樹中琴

瑟一斛舊水藏蛟龍

四句

丈夫蓋棺事始定君今幸未成

老翁何恨憔悴在山中溪山窮谷不可處霹靂題題兼狂

風五句  
慰之

池有蛟龍廢棄池不可問矣桐可為琴摧折桐不足取  
矣乃殊不然君見廢棄池摧折桐否摧折之桐歟百年  
矣知音者得之以為琴瑟杜廢棄之水只一斛耳有識  
者過焉知為蛟龍窟然則丈夫生前萬事未定一息尚  
存末之或知況君未老暫處山中雖曰窮谷安見  
霹靂雷題題鬼狂暴之風非歷試子使子有為哉

送李功曹之荊州充鄖侍御判官重贈

嘗聞宋玉宅每欲到荊州此地生涯晚遙悲水國秋

四句  
自敘

欲往荊州孤城一柱觀落日九江流使者雖光彩青楓遠自愁

四句  
送李功

曹之荊州

荊州有宋玉宅我嘗思卜居其處者以夔州地瘠俗薄  
生涯有限荊州水鄉澤國老人所宜此秋水連天遙望

生悲耳況觀名一柱適倚孤城江分九支時當落照功  
曹此去充幕有光但湛湛江水上青楓惡功曹到彼  
亦遠自生愁也藉  
添我之遙悲矣

別崔湜因寄薛璩孟雲卿

公自注內弟湜  
赴湖南幕聯

志士惜妄動知深難固辭如何久磨礪但取不磷淄

四句  
言其

赴夙夜聽憂主飛騰急濟時

二句赴  
幕之事

荆州遇薛孟爲報欲

論詩

二句因  
寄薛孟

妄動非志士乃士爲知已用知深則亦難於固辭若使  
妄動磨礪之謂何若使固辭不磷淄之謂何論爾平日  
如何久磨礪者願爾此行但取不磷淄而已今日藩府  
無主爾乃心王室夙夜之間常矢憂主之言使諸藩效  
順我側耳聽之從此飛騰急出濟時酬知己者在是矣  
此行必過荆州寄語薛孟我論詩之興實勃勃云○當  
時藩鎮節度驕蹇不恭氣節之士不屑就幕崔赴幕職  
是亦妄動曰知深者爲崔解嘲耳特幕僚之職佐節鎮

謀畫有轉逆為順之機權故送元二適江左曰取次莫  
論兵送蘇四赴湖南幕曰數論封內事今送崔湜曰夙  
夜聽

贈蘇四侯

異縣昔同遊各云厭轉蓬別離已五年尚在行李中

四句一篇

之戎馬日衰息乘輿安九重有才何栖栖將老委所窮為

郎未為賤其奈疾病攻

以上自言轉蓬在行李中

子何面黧黑焉得豁

心胷巴蜀倦剽劫下愚成土風幽薊已削平荒徼尚彎弓

斯人脫身來豈知吾道東

以上蘇子轉蓬在行李中

乾坤雖寬大所適

藁橐空肉食哂菜色少壯欺老翁況乃主客間古來偏側

同君今下荆揚獨帆如飛鴻二州豪傑場人馬皆英雄一

請甘饑寒再請甘糞蒙

以上述  
送意

憶遊興縣彼此漂流一別五年轉蓬如故我轉蓬尚在  
行李中何也據今時勢戎馬息乘輿安似可起而有為  
乃極極尚無適從者年老安貧委之於命臺郎不賤疾  
病交侵也予轉蓬尚在行李中何也見子面目知子心  
智想由巴蜀土風習於剽劫崔肝叛亂未克蕩平因而  
脫身來夔吾道已東也自歎天地雖寬到處皆困而泥  
肉食者鄙寒士無顏少壯何知老成受侮不獨此耳卽  
主客間亦不相容其爲偏側所從來者子挂帆東下荆  
揚二州從來豪竊人馬雄壯亮不至嗟囊空患偏側但  
志士守節哲人敏才我所期者一願子爲不可衣食人  
一願子爲不露鋒穎士庶不爲  
肉食者哂少壯者侮子勉矣

別蘇侯赴湖南幕

故人有遊子棄擲傷天隅他日憐才命居然屈壯圖十年  
猶塌翼絕倒爲驚呼消渴今如在提攜媿老夫

入句憫  
其屈  
豈

知臺閣舊洗拂鳳皇離得食翻蒼竹栖枝把翠梧北辰當  
宇宙南岳據江湖國帶煙塵色兵張虎豹符數論封內事

揮發府中趨贈爾繞朝策莫鞭轅下駒

以上送蘇赴幕

爾父少監是我故人故人子亦流落天隅哉似爾才命  
誰不哀憐似爾壯圖如何久屈賜翼不飛者倏忽十年  
矣驚呼不禁者其才絕固也我爲故人理應垂援自傷  
疾病不克提攜抱疚於茲多矣幸逢臺閣舊識復洗  
鳳皇新雛今日重有湖南幕府之招此行勉哉天子當  
湯雄藩分鎮當念烟塵未靖豹畧空杆莫避嫌疑細論  
時事我於爾別無他贈爾繞朝策耳贈策之意亦不  
過曰莫鞭轅下駒庶幾扶弱以鋤強云爾○轅下駒倪  
首轅下隨母而已故曰莫鞭此卽豺狼當  
道安問狐狸意周軫不問賣菜傭是也

壯遊

往者十四五出遊翰墨場斯文崔魏徒

公自注崔鄭州以尚魏豫州啓心

我似班揚七齡思卽壯開口詠鳳皇九齡書大字有作成  
一囊性豪業嗜酒嫉惡懷剛腸脫落小時筆結交皆老蒼  
飲酣視八極俗物多茫茫以上少遊東下姑蘇臺已具浮海航  
到今有遺恨不得窮扶桑王謝風流遠闔廬丘墓荒劍池  
石壁仄長洲菱荷香嵯峨閶門北清廟映迴塘每趨吳泰  
伯撫事淚浪浪枕戈憶勾踐渡浙想秦皇蒸魚聞七首除  
道哂要章越女天下白鑑湖五月涼剡溪蘊秀異欲罷不  
能忘以上敘吳越壯遊歸帆拂天姥中歲貢舊鄉氣劓屈賈壘日  
短曹劉牆忤下考功第獨辭京兆堂放蕩齊趙間裘馬頗  
清狂春歌叢臺上冬獵青丘旁呼鷹皂櫪林逐獸雲雪崗



射飛曾縱鞚引臂落鵝鵠蘇侯據鞍喜

公自注監門曹曹蘇預

忽如

攜葛疆

以上敘齊趙壯遊

快意八九年西歸到咸陽許與必詞伯

賞遊實賢王曳裾置醴地奏賦入明光天子廢食召羣公

會軒裳脫身無所愛痛飲信行藏黑貂寧免弊斑鬢兀稱

觴杜曲晚耆舊四郊多白楊坐演鄉黨敬日覺歿生忙朱

門任傾奪赤族迭罹殃國馬竭芻豆官雞輸稻粱舉隅見

煩費引古惜興亡

以上敘長安壯遊

河朔風塵起岷山行幸長兩

京各營蹕萬里遙相望崕峒殺氣黑少海旌旗黃禹功亦

命子涿鹿親戎行翠華擁吳岳螭虎噉豺狼爪牙一不中

胡兵更陸梁大軍載草草凋瘵滿膏肓備員竊補袞憂憤

心飛揚上感九廟焚下憫萬民瘡斯時伏青蒲廷諍守御

牀君辱敢愛歿赫怒幸無傷聖哲體仁恕寓縣復小康哭

廟灰燼中鼻酸朝未央

以上扈從時壯遊

小臣議論絕老病客殊

方鬱鬱苦不展羽翮因低昂秋風動哀壑碧蕙損微芳之

推避賞從漁父濯滄浪榮華敵勦業歲暮有嚴霜我觀鵠

夷于才格出尋常羣兇逆未定側佇英俊翔

以上從客夔說與首段對

照不在壯遊內

我今已老猶憶童年早則文場此時主持斯文者崔魏

兩公卽以班揚許我蓋我於斯文當七齡詠詩便見鳳

皇而作賦九齡書字已其所賦而成囊也唯是有嗜酒

豪性疾惡剛腸雖在少遊恥逐兒輩嗜酒故飲酣直視

入極皆空疾惡故眼底蒼茫無非俗物往者小時出遊

然猶未壯壯遊自吳越始開元中扁舟東下先抵姑蘇

浮海興蒙會有他阻而東吳勝事已一一親歷矣王謝  
風流無復烏衣之跡閣廬墳墓空傳石虎之名然而  
池寒流石壁尚在長洲舊苑菱荷猶香嵯峨間門之北  
路水號回塘式瞻太伯之清風人趨古廟吳亡足涕越  
伯堪思既已遊吳因而下越枕戈雪恥憶越王反國之  
年刻石銘功想祖龍渡浙之歲鱗諸行刺闔廬之窟堪  
嗟買臣步歸守郎之鰲可晒天下稱白越女無雙五月  
猶涼鑑湖一曲剡溪之水真秀天姥之峰更奇欲罷下  
能壯哉遊也往者吳越壯遊有如此由越而歸已是中  
歲再赴貢舉觀國之光所向無堅欲降屈買之壘雄視  
一世何有曹劉之精在我似不媿班揚乃考功不盡如  
崔魏忤時下第遂辭京兆之堂壯志未衰更有齊趙之  
役從茲放蕩頗覺清狂遊趙則春臥趙武之遺臺遊齊  
則冬獵青丘之古道呼鷹則風生耳後逐獸則雪沒馬  
蹄射飛則落雲裏之鵝鵝縱轡則共蘇侯之鞭轡蓋蘇  
侯本是山簡而待我亦如葛疆此遊快意殆八九年於  
外而西歸咸陽也往者齊趙壯遊有如此天寶五載玄  
宗詔天下有一莠者卽詣闕下我之西歸職是之故此  
時長安道上其許我者必詞伯知往年岸魏之徒同賞  
遊者亦賢王如汝陽邵王之輩我也曳裾非慕勢利彼

也置醴實爲嘉賓時玄宗方有朝享大典我小臣遂獻  
大禮三賦感動天子召試文章待詔集賢參列選序乃  
我年已過強仕矣河西之尉不拜故山之興悠然自信  
生涯無過痛飲脫身歸里傲憐季子之黑貂介壽稱觴  
兀笑安仁之斑鬢杜曲之交遊老矣故鄉之丘隴愈多  
耆舊晚卽我之坐次亦日高白楊多是彼之疾生真接  
踵當年權貴滿朝傾危迭見秦虢騎縱銛鉞橫行林甫  
剖棺王鉞籍第朱門赤族概可見矣而玄宗太平日久  
侈心漸恣就舞馬一端日飼豆粟關雉一事爭輸稻粱  
凡此奢侈不能枚舉興亡難於顯示引古聊寓諷詞而  
國家禍亂遂生矣往者壯遊長安時有如此未幾祿山  
犯關潼關旋破上皇行宮劒外太子駐蹕朔方殺氣黑  
崆峒之嶺旌旗黃少海之色俄而肅宗冊立遂享釣臺  
天子臨戎躬親涿鹿移軍鳳翔四海之援兵皆赴分命  
蝟虎豺狼之立殲何難乃先是房瑯陳濤斜之敗爪牙  
之士一不中矣因之胡羯益肆跳梁至清渠之役賊以  
爲退而誘我師七日相持我以無援而至敗績大軍草  
草一而至於再於時府庫空虛民生凋瘵我麻鞋見土涕  
淚受官上痛本主灰飛下憫黔黎塗炭伏青蒲而奏事  
守御牀而不離正主憂臣辱之秋爲亡身殉國之日偶

因疏救夫房琯遂致聖怒之不測幸而天威頓霽得免  
推問聖度之優容如此寓內之小康庶幾我往者由鳳  
翔而扈從還京壯遊從此止而我年亦將老矣自出華  
州司功以來往日青蒲小臣之議論永絕殘年異地孤  
踪之流落堪傷羽翮摧頽豈有飛揚之日蘭芳凋損空  
悲哀壑之秋綿山自焚之推雖不言祿江潭長往漁父  
何忍獨清自念欲建勛業必在繁華之歲已經遲暮難  
免嚴霜之摧彼鵬夷子非我比也才格出羣不宜投老  
衡岳況羣兇未定猶望翔步天衢他日功成身退尚未  
晚也回首壯遊能禁衰老之歎哉○公進鵬賦表云臣  
自七歲所綴詩向四十載矣約千有餘篇七齡四句非  
漫下舉隅見煩費即公杜氏墓誌中舉茲一隅昭彼百  
行之意爪牙二句舊指房琯陳壽斜之敗似也若大軍  
戴草草必清渠之役先曰一不中又曰戴草草分明兩  
事清渠之潰在至德二載五月時公奔赴鳳翔目擊其  
敗夜連及之遂接疏救房琯一事鵬夷子公借范蠡此  
李泌泌歸衡山代宗時事有非李  
泌不能匡救者公望朝廷速徵之

白帝

白帝城中雲出門白帝城下雨翻盆高江急峽雷霆鬪古

水蒼藤日月昏

以上白帝城雨景

戎馬不如歸馬逸千家今有百

家存哀哀寡婦誅求盡慟哭秋原何處村

四句感時

白帝雲生則雲滿城中若從城門出矣因是雨從城注有翻盆之勢焉江為峽束波鬪雷霆不但雨翻盆耳木與藤合陰霾日月不但雲出門耳夫雷霆到秋而還鬪日月當盡而竟昏陰陽乖錯晦明失候即時事可知自乾坤多故人厭甲兵馬思休息歎彼戎馬何如歸馬叛亂未夷不知何日得逸也自征夫調遣父南子北人去室存昔日千家僅有百家戰伐未息只恐百家亦難存也夫此百家所存者豈有丁男誅求之餘但存寡婦而今亦將盡秋原慟哭此時尚有何處村哉

雨

萬木雲深處連山雨未開

二句

風扉掩不定水鳥過仍迴

鯢館如鳴杼樵舟豈伐枚四句清涼破炎毒衰意欲登臺

二句自寫

雲溪使萬木為隱因而雨勢連山并峰巒亦不辨焉雨  
來風至風靡本以當風今掩不定雨甚水漲水鳥喜於  
泛水今過仍迴此時惟水居鯢人杼聲與雨聲相應乃  
山中樵子斧聲因雨聲亦停惟有秋炎得此少破登陽  
臺裏快風衰  
意或少杼云

雨晴

雨晴山不改晴罷峽如新二句天路看殊俗秋江思殺人

題面

有猿揮淚盡無犬附書頻故國愁眉外長歌欲損神六句述懷

當雨勢連山山如改矣至雨晴依然是此山也豈惟不  
改晴罷而看山色若因洗而更新當此雨晴長安天路  
亮亦可到如何看天路於殊俗巫峽秋江亦自可泛無  
奈對秋江而徒想止有腸斷之猿聽堪揮淚曾無到家

之大憑以寄書遙想故國只在愁  
眉外耳長歌當哭能不惜神哉

垂白

垂白馮唐老清秋宋玉悲

二句總起

江喧長少睡樓迴獨移時

二句承垂白馮唐老

多難身何補無家病不辭甘從千日醉未許七

哀詩

四句承清秋宋玉悲

昔馮唐老於郎署我亦馮唐昔宋玉當秋而悲我猶宋  
王老人與靜為緣江喧睡常不穩老人登高而愁樓迴  
立獨移時馮唐之老若是堪憐也世猶多難一身無補  
於時我已無家常病又奚足惜計惟千日醉耳安能更  
酬七哀重增  
宋玉悲哉

洞房

洞房一章另起以下六章皆追歎開寶年間始末  
明皇致亂之由隱然殷鑒提封一章責成代宗也



洞房環珮冷玉殿起秋風秦地應新月龍池滿舊宮

四句洞房

繫舟今夜遠清漏往時同萬里黃山北園陵白露中

四句感懷

自馬鬼人去洞房之環珮冷矣玉殿淒涼秋風蕭瑟上  
皇安在哉想秦地於今有應懸新月望龍池於興慶徒  
滿舊宮我繫舟巫峽已遠秦地龍池之間乃清漏更傳  
猶想玉殿洞房之處其如萬里黃山園陵白露何是寂  
寂繫舟真憐今夜淒淒清漏真憶往時也○先是列宗  
陵寢為吐蕃焚掘子孫倘有白露之感亦應發憤殄滅  
為除克雪恥計此  
末章責成代宗

宿昔

宿昔青門裏蓬萊仗數移花驕迎雜樹龍喜出平池落日

留王母微風倚少兒

六句敘遊幸之事

官中行樂祕少有外人知

二句  
風解

今日洞房寂寞矣。宿昔何如。宿昔行樂多端。請先言移  
仗遊幸之事。當年蓬萊移仗。由青門而出。往來華清諸  
宮。每一移仗。凡雜樹之花。皆驕而若逐。平池之龍。亦喜  
而山遊。其移仗所在。落日慙慙。還留王母。而不去。微風  
縹緲。爭倚少兒。而不歸。此時宮中行樂。天下之人。莫不  
心非齒冷。而猶曰。秘也。外人少知也。○花曰。驕迎寫出  
怙恩恃寵。龍曰。喜出。龍不空出。出而且喜。此日之喜。他  
日之悲。天寶中。興慶池小龍。一夕望西南去。夫龍為明  
皇發祥之兆。一夕飛去。奔蜀之禍。已見。漢武於王母降  
去下席。請留公。以王母比貴妃。貴妃曾度為女道士也。  
少兒。漢倫嬪女。通於霍仲孺。公以比秦虢諸姨。

能謫

能謫毛延壽投壺郭舍人每蒙天一笑復似物皆春

四句  
病昔

之政化平如水皇恩斷若神時時用觥戲亦未雜風塵

四句

能謫

宿昔之事。又見優賤承恩矣。漢時杜陵畫工。有毛延壽。此日畫鴈。馬如馮紹正。韓幹是。卽毛延壽。漢武投壺。爲樂。有侏儒。郭舍人。此日如侏儒。黃郎。明皇呼爲肉几。是郭舍人之流。舍人一投壺。天顏爲喜。畫工一落筆。萬物生春。夫天顏有喜。近臣知之。如何舍人。每蒙天笑。聖人御世。民登春臺。如何物皆春。出自畫工。夫頌笑不輕。皇恩之斷也。與世偕春。政化之平也。假令當日政化不偏。其平如水。皇恩不測。其斷若神。豈特能畫投壺。無傷國治。卽使戲及角觥。何至邊境風塵。無如當時不然也。

### 鬪雞

鬪雞初賜錦舞馬。旣登牀簾下。官人出樓前。御柳長。

四句宿昔

之仙遊終一閱。女樂久無香。寂寞驪山道。清秋草木黃。

四句

今日之感

宿昔之事。又見鬪雞舞馬矣。當年移仗華清宮。嘗有鬪雞之戲。以習片爲五百小兒。長金玉錦繡。日至其家。是

鬪雞者賜錦矣。開元間，明皇敕貴妃以下，毋得服珠玉。錦繡至天寶間，鬪雞者亦賜錦。鬪雞賜錦，是此日始。又嘗有舞馬之戲，明皇敕舞馬四百蹄，施三層木牀，乘馬於上，忤轉如飛。夫馬畜之賤者，既已登牀，凡屬佞倖，何不可。厠御樹當鬪雞舞馬時，宮人出簾下窺者，不知其數也。當宮人出簾下時，樓前御柳從風拂者，不知幾許長也。相傳鬪雞舞馬，明皇敕宮人數百，皆擊雷鼓，為破陣樂，與傾杯曲。則簾下宮人應有女樂之素，自明皇上仙，女樂絕饗。當年遊幸華清時，驪山道上翠華拂天，草木亦為生色。今龍輦不來，驪山寂寞，清秋蕭瑟，惟有草黃木落，是可傷也。○按白樂天勤政樓前老柳詩，中有開元一株柳，長慶二年春句。樓前御柳長，語非漫下。

### 歷歷

歷歷開元事，分明在眼前。無端盜賊起，忽已歲時遷。四句追感

巫峽西江外，秦城北斗邊。為郎從白首，臥病數秋天。四句自歎

病昔天寶間，事如此。若開元政事何如？開元時君相勵精圖治，政事脩舉，歷歷在眼，不意天寶末年盜賊忽起。

追維其故誰階之厲自河朔畔亂世歷三朝歲時之遷  
不覺轉瞬我羈栖巫峽寂寞西江遙望秦城使稀北斗  
今日雖身為郎官數秋以來侵尋老病歎功名之頽落  
慨日月之逾邁后與盜賊相終始而歷歷開元事徒付  
西江流水北斗迢遙而已○宿昔三章便是  
致亂之由却曰無端盜賊起諱之正痛之

洛陽

洛陽昔陷沒胡馬犯潼關天子初愁思都人慘別顏

四句追敘

幸清笳去宮闕翠蓋出關山故老爭流涕龍顏幸再攀

四句追敘

還京

猶憶祿山初畔潼關未潰先陷洛陽洛陽既潰隨破潼  
關潼關未破時封常清上表而上不見哥舒翰告急而  
上不聞潼關破平安火不至上始懼何天子愁思此日  
初急也於時禦寇無策台皇幸蜀出延秋門過便橋至  
咸陽望賢宮都人爭擁馬前愁慘如此猶幸天祚有唐  
兩京卽復賊騎清笳去宮闕而遠道上皇翠蓋出關山

而遂回我時奉為故老且喜且悲攀顧流涕即都人別  
顏亦於此大慰哉○故老不作自己恐與都人句無別  
驪山

驪山絕望幸花萼罷登臨地下無朝燭人間有賜金下分四

應

鼎湖龍去遠

承絕望幸句

銀海雁飛淡

承罷登臨句

萬歲蓬萊日

長懸舊羽林

應地下人問二句

龍顧幸攀安得長在舊德上皇望幸每歲十月必至驪  
山華清宮寅天以來望幸已絕至所造花萼樓生時與  
諸王兄弟宴集其上賓天以來登臨亦罷絕望幸罷登  
臨地下不可問矣天寶故事凡早朝必秉燭會羣臣地  
下安得有此上皇在日多賜近臣金如金錢詔會之類  
當時百官強半上皇舊臣賜金之惠亦曾叨竊地下無  
朝燭時時已矣人間有賜金遂忘之耶望幸絕則龍去  
驪山攀顧永訣登臨罷則雁飛銀海同氣終分惟有蓬  
萊舊日還懸陵寢羽林耳  
安見地下遂異人間哉

提封

提封漢天下萬國尚同心借問懸車守

承提封句何如儉德臨

承同

時徵俊乂入莫慮犬羊侵願戒兵猶火恩加四海溪

四句申足上意

往事已矣今日何如顧此提封雖經喪亂猶然全盛版圖也卽此萬國雖遭寇盜依然一統人心也但似此提封守之者不在險在德懸車而守有何益哉似此人心臨之者不在威在儉儉德臨之庶不失耳彼長國家者莫不喜安惡危導之奢而不崇儉德者皆由於小人人用則外夷輕賢人相則敵國懼其要在於徵俊乂至兵猶火也不戢自焚人君尤當痛戒者用賢人崇儉德以加恩四海則萬國人心永戴有唐一統提封長爲漢有懸車而守誠不必也○明皇致亂起於侈心揭出儉德係邦致治中興之本

偶題

文章千古事得失寸心知作者皆殊列名聲豈浪垂騷人

嗟不見漢道盛于斯前輩飛騰入餘波綺麗爲後賢兼舊

例歷代守清規

以上法自儒家有心從弱賦疲永懷江左

逸多病鄴中奇騅驥皆良馬麒麟帶好兒車輪徒已斲堂

構惜仍虧謾作潛夫論虛傳幼婦碑緣情慰漂蕩抱病屢

遷移

自起至此皆發明文章千古事一句

經濟慙長策飛栖假一枝塵沙傍

蜂蠆江峽繞蛟螭蕭瑟唐虞遠聯翩楚漢危聖朝兼盜賊

異俗更喧卑鬱鬱星辰劍蒼蒼雲雨池兩都開幕府萬寓

插軍麾南海殘銅柱東風避月支音書恨烏鵲號怒怪熊

羆

以上十六句皆洗發經濟慙長策一句

稼穡分詩興柴荆學土宜故山迷



白閑秋水憶皇陂不敢要佳句愁來賦別離

六句挽文章

此詩大指自言少習文章壯無經濟文章豈一日事  
司馬遷曰藏之名山傳之其人蓋千古事也其中得失  
他人難喻曹植曰文之佳惡我自知之亦問諸寸心而  
已凡稱作者言人人殊苟有聲名必非漫然顧荒遠以  
前不可稽矣稽古作者必自姬漢始盛人如屈宋望古  
而遙漢代如馬班比今為盛凡為前輩皆能飛騰而入  
此道所以餘技尚有精麗以潤後人於是後賢謀篇不  
出前人舊例歷代好尚各有一定清規若我本儒家自  
有儒家之法而我於家法已疲弱歲之心惟是永懷不  
置者江左之彥其氣頗遠猶病未能者鄴中之俊其氣  
頗奇也自嘆驥子麟兒原自不乏乃斲輪之巧父子不  
傳作室之法堂堂構難肯是以隱居有論漫擬潛夫絕妙  
好辭虎稱作者不過緣情偶製以慰羈懷無奈抱病難  
工更多轉徙文章優而經濟拙已足愧矣文章拙而經  
濟迂尤足羞也不獨謀國無策直至謀身無具飛栖不  
定聊假一枝傍蜂壘而為鄰棲蚊螭而作伴况立肅授  
受唐虞之世代已遙夔蜀亂離楚漢之烽煙未息唐虞  
遠而盜賊多於聖朝楚漢危而喧卑甚於殊俗庶幾仗

星辰之劍以斬蛟螭與雲雨之池以蕩蜂蠆乃獄底終  
埋池中久處望之當事而荊州夔府幕府胥閭南北東  
西軍麾盡插如何茫茫南海銅柱空殘形渺渺東風月支  
未斬是蜀亂正紛吐蕃又寇也捷書渺矣烏鵲之信空  
傳軍士喧然熊羆之號已甚亦由經濟無長策以至此  
既不能出而有為亦止有退而守拙所謂文章不遇詩  
興所謂經濟不遇士空而況故山白閣望眼空迷秋水  
皇陂神遊何處身羈巫峽渺不同追經濟已矣愁來作  
賦佳句徒然即文章亦何足千古哉

送田四弟將軍將夔州柏中丞命起居江陵節度陽城

郡王衛公幕

群筵罷多酒起地發寒塘

送別

回首中丞座馳牋異姓王

將命

起居燕辭楓樹日雁度麥城霜

由夔之江陵

空醉山翁酒遙憐是

葛疆

白謂

將軍使命在身祖道之酒雖多亦罷其起發之地即在  
夔峽之寒塘於時臨行而回首中丞志別也起居而馳  
牋節度非無故也將軍別中丞去夔峽為燕辭楓樹日  
將軍至江陵謁郡王已雁度麥城霜將軍此筵山翁之  
酒不為空醉我無使命與此祖餞豈不虛叨中丞  
為山翁將軍是葛疆我遙望江陵憐汝不置耳

吾宗

公自注衛  
倉曹崇簡

吾宗老孫子質樸古人風

以下全為  
此二句

耕鑿安時論衣冠與

世同

持身  
質樸

在家常起以憂國願年豐

處家國  
質樸

語及君臣際

詩書滿腹中

學問  
質樸

惟古人質樸吾宗孫子有其風焉持身處世以至學問  
無不見其質樸者耕食鑿飲無異議以違時布衣帛冠  
無時趨以招咎為我一家故知其家常早起職司倉曹  
故知其願在年豐或者以見聞寡陋疑之乃譚及君臣  
於古人經書不翅滿腹不但如他人經書滿口耳質樸古人風如此

第五弟豐獨在江左近三四載寂無消息覓使寄此二

首

亂後嗟吾在羈桎見汝難

二句領至末

草黃騏驎病沙晚春令

寒楚設關城險吳香水府寬

點獨在江左

十年朝夕淚衣袖不

曾乾

亂後我在亦云幸矣無奈羈桎異地不能見汝何況旅  
食為艱人如病驢年華侵老空憶在原我雖在也亦暫  
時耳所以見汝難者我於此處關塞極天欲下不得下  
汝於彼處江湖滿地欲上不得上計亂後到今十年於  
茲衰袖之淚朝夕不置汝奈何  
久稽江左使我見汝之難至此

聞汝依山寺杭州定越州風塵淹別日江漢失清秋

四句久無

消息著啼猿樹魂飄結屋樓明年下春水東盡白雲求

四句

見使寄

寓意

汝三四載無消息矣近聞僑居山寺但不知杭州定越  
州乎似此風塵久客徒淹別日而況江漢空流并失清  
秋恐消息從此竟絕也此時我影雖羈猿樹此時我思  
已飄屋樓少待明年春水泛流我扁舟出峽東盡白雲  
之鄉而求汝此時杭州越州有定所矣今姑見使寄詩  
耳○杭越近海海中屋氣結為樓臺故曰結蜃樓求即  
小雅兄弟  
求矣之求

杜詩闡第二十四卷目

解悶

哭王彭州

覆舟

峽口

秋風

西閣

社日

江月

吹笛

孤雁

遣愁

夔府書懷

十六夜翫月

贈李十五

江上

季秋江樓

西閣雨望

戲寄崔評事

晚晴

九月集于林

夜

秋日寄題

秋興

寄栢學士

杜詩闡卷二十四

同學主日藻却非氏

詩圖

華亭盧元昌文子氏述

武林弟 璉漢華氏訂

夔州詩 大曆元年

解悶十二首

草閣柴扉星散居浪翻江黑雨初飛山禽引子哺紅果

承

閣溪女得錢留白魚

承浪

卽景解悶 巫峽間人星散而處其下浪翻江黑又是  
峽雨初飛之候爰有山禽引雛哺果隨有溪女得魚換  
錢對斯景也我悶釋矣○遊何將軍山林曰河  
魚不取錢此曰溪女得錢留白魚各自有致

商胡離別下揚州憶上西陵故驛樓為問淮東米貴賤承商

胡句老夫乘興欲東遊承憶上句

思遊吳以解悶揚州我舊遊處西陵風景極不忘之  
故忽見商胡將下揚州因憶西陵驛樓往年曾登臨其  
上爾商胡此去淮東米價貴賤好為老夫一問益老夫  
作客在日饒之數扁舟久泊且晚東遊也○問字暗用  
王導問王述江東米價事

一辭故國十年秋每見秋瓜憶故丘二句憶故丘今日南

湖采薇蔽何人為覓鄭瓜州公自注今鄭秘監審○二

思遊江陵以解悶我本長安人長安東門為邵平種  
瓜處一辭故國早是十年秋矣每見秋瓜便憶故丘彼  
鄭監亦我故鄉人其莊近長安瓜州村今日謫居江陵  
徒采南湖薇蔽耳何人為我覓取鄭瓜州一訪故國十  
年秋是不待歸故國見故國人如歸故國也



沈范早知何水部曹劉不待薛郎中

二句謂薛不遇知己獨當省署

開文苑兼泛滄浪學釣翁

二句即用薛詩以美薛

以下五章述詩解悶今日薛郎中據郎昔年何水部  
逢也乃沈約范雲早知水部而曹植劉楨不遇郎中誰  
為郎中知己者昔在省部獨開文苑今在荆州兼學釣  
翁我猶及讀其詩想其人耳○省署開文苑滄浪學釣  
翁即薛詩曰獨當言其  
無敵曰兼泛惜其閒散

李陵蘇武是吾師孟子論文更不疑

公自注校書郎孟雲卿一飯未

曾留俗客數篇今見古人詩

二句正

是論文  
古詩傳者我師蘇李孟校書真同調哉我平生一飯之  
頃厭留俗客獨於校書最為傾倒諷其數篇彷彿古人  
悶斯釋矣○此與上章即公別崔溲因  
寄薛孟荆州遇薛孟為報欲論詩意

復憶襄陽孟浩然清詩句句盡堪傳

二句憶其詩即今耆舊無

新語漫釣槎頭縮項鰓

結句卽物以思其詩

襄陽雖往其詩清新猶昨日也今日豈無者舊人則舊也詩則欠新彼槎頭縮項鰓襄陽之魚魚藏縮項鰓襄陽之句今人襄陽之句久矣絕響但能釣得槎頭縮項鰓耳是足解頤也

陶冶性靈存底物新詩改罷自長吟

此句正熟知二謝將是陶冶

能事頗學陰何苦用心

二句改罷長吟之故

詩本性靈性靈不容一物功須陶冶渣滓去清虛來此中所有者更有何物惟改罷自長吟而已誰知我者古有二謝陰何耳我於二謝熟知其得力於性靈於陰何頗學其苦志於陶冶所由今日新詩長吟自得亦默與二謝陰何結契千古而已

不見高人王右丞藍田丘壑盡寒藤

二句

最傳秀句寰區

滿未絕風流相國能

公自注右丞弟今但見結二句解悶

高天不承今不見矣。藍田別業徒見寒藤千尺耳。其詩  
則秀絕人區。誰繼之者。難弟相國。緒今能之否。庶幾石  
丞詩集。代宗嘗求縉上之。故有末句。能字虛押。擬議之辭。  
先帝貴妃俱寂寞。荔支還復入長安。炎方每續朱櫻獻。

支玉座應悲白露團。承先帝句

以下四章賦荔支以解悶。猶憶先帝在日。貴妃嗜生  
荔支。置驛傳送。今先帝貴妃俱已寂寞。荔支之獻還入  
長安。仙遊久闕。時薦不改也。蜀為炎方。荔支之獻必繼  
朱櫻。居玉座者。回想先帝當此秋薦。能不悲白露團圓耶。  
憶過瀘戎摘荔支。青楓隱映石逶迤。二句在瀘戎時京華應見無

顏色紅顏酸。甜只自知。二句貢京華時

荔支生於瀘戎者為佳。猶憶客秋過瀘戎兩州。曾摘荔  
支於青楓白石間。此時初離樹頭。色味交美。一貢京華。  
迢遞關山。顏色已變紅顏之內。其為酸甜。誰復憐取。只  
一却耳。此先帝必欲生致之哉。○公去秋宴戎州楊使

君樓有輕紅勝荔  
支句憶過句指此

翠瓜碧李沉玉甃赤梨葡萄寒露成  
二句見諸果不入貢可憐先不

與枝蔓此物娟娟長遠生  
二句傷荔支偏入貢

同荔支薦者有翠瓜有碧李沉於玉甃者正在是也有  
赤梨有葡萄成於寒露者處處然也數種初生同枝共  
蔓荔支何為娟娟獨秀偏生遠方  
既生遠方安免於驛騎傳送矣

側生野岸及江蒲不熟丹宮滿玉壺  
二句言入貢雲壑布衣船

背灰勞生重馬翠眉須  
二句傷重色輕賢○重馬出前漢書劉相楚傳師古注重訓懷孕者

荔支名為側生作酸南裔不過在江蒲野岸間非熟於  
月宮禁苑乃至尊玉壺內常見其滿豈其自致亦殊勞  
人馬之力矣彼雲壑布衣船背老灰不能博君王色笑  
至懷孕重馬為之傷耗究其故  
不過為翠眉所須亦可歎也

哭王彭州掄

批交驚淪沒斯人已寂寥

二句先提挽哭意

新文先沈謝異骨降

松喬

二句初生

北部初高選東堂早見招蛟龍纏倚劍鸞鳳夾

吹簫

四句

歷職漢廷久中年胡馬騎兵戈聞兩觀寵辱事

三朝

四句

蜀路江干窄彭門地里遙解龜生碧草諫獵阻

雲霄

四句

頃得戎麾出叨陪幕府要將軍臨氣候戰士塞

風颺井渫泉誰汲烽疎火不燒前等多自暇隱几接終朝

八句作幕以

上敘其生時翠石俄雙表寒松竟後凋贈詩焉敢墜染翰

欲無聊再哭經過罷離魂去住銷之官方玉折寄葬與萍

漂

八句哭

曠望渥洼道

應蛟龍句

罪微河漢橋

應鸞鳳句

夫人先卽

世承河令子各清標承遲巫峽長雲雨秦城近斗杓馮唐

毛髮白歸興日蕭蕭四句自傷

孰受王郎忽驚淪沒我輩長寂寂矣請邇其幼時文彩  
出新不啻沈謝骨表味眾彷彿松喬請邇其婚宦其起  
家始於北部高選其締姻乃係東堂見招北部選則  
裏蛟龍聳身倚劍東堂招則臺邊鸞鳳比翼吹簫請邇  
其喪亂時當歷職漢廷方期寵任奈中年賊騎忽爾  
橫在朝廷兵戈滿兩觀之間在王郎寵辱更三朝之主  
而漢廷不能久留矣請邇其出守與佐幕時其出守在  
蜀路彭門當任滿而遂解龜地留碧草已辭闕而思諫  
鐵勢阻雲霄雖身遠闕廷心存君父也其佐幕在戎麾  
軍府上使將軍不昧氣候下令壯士克靖風騷資渴無  
煩汲井泉嚴警不必舉烽火故前籌日暇隱几時多也  
今安在耶沈謝之新文猶昨翠石森森忽焉雙舉松喬  
之異骨猶是寒枝蕭蕭竟已後凋平生贈我之詩焉敢  
失嗟今日哭爾之作但覺無聊經過之地從此罷矣能  
無再哭去住之人總無惡也未免消魂痛爾之官未久  
王折忽然傷哉旅葬他方萍飄與其蛟龍劍竟何去也

幸渥注之龍馬有種鸞鳳簾不復聞矣況河漢之世  
亦空望河漢夫人已先卽世撫渥注今子喜有清標我  
也身羈巫峽終遠秦城白首馮唐歸興蕭索斯人寂寥  
真寂寥哉東堂句向指都說事愚意下有鸞鳳等句  
後有河漢橋等句斷是招婿之招王必締姻宗室也蜀  
路彭門正指携酒草堂時時高適代爲彭州刺史正王  
解任

### 覆舟二首

舊註玄宗好神仙黔陽郡秋貢丹砂等物以供  
燒煉使者沉舟於此公作覆舟二首追諷之

巫峽盤渦小黔陽貢物秋丹砂同隕石翠羽共沉舟四句

羈使空斜影龍宮闕積流篙工幸不溺俄頃逐輕鷗四句

猶記某年某月此巫峽盤渦處常貢物使者從黔陽而  
來之秋舟竟覆矣丹砂之重者誠如石而隕水翠羽之  
輕者亦積厚而沉舟遙想押貢使者與物俱流斜影亦  
空於水際而與舟俱沒至於水底龍所居者流水爲覆

舟所歷亦闊而不能出羈使之斜影已空羈使弱矣能  
居之積流亦悶物與舟無不溺所不溺者篙工耳俄頃  
之際逐鷗泛泛回首人也物也舟也竟安在也

竹官時望拜桂館或求仙姹女凌波日神光照夜年

四句  
諷制

廷徒聞斬蛟劍無復繫犀船使者隨秋色迢迢獨上天

四句

寫覆舟  
諷使者

彼時君王未知舟覆方於竹宮望拜桂館求仙求仙必  
來姹女夫姹女能凌波者望拜必有神光夫神光能照  
夜者遙想姹女凌波雖有盤渦何足爲險且當神光照  
夜倘遇覆舟何難呵護竟何如哉乃或者有荆人斬蛟  
劍得以斬蛟而免於覆乃徒聞其有斬蛟劍耳何救於  
覆也抑是溫橋繫犀船可以觸水怪而免於覆奈早已  
溺夫繫犀船何犀不足恃矣此時使者斜影既空獨隨  
秋色是君王求仙尚屬子虛使者上天眞成捷徑哉○  
上天若作回朝見君解似誤前章曰篙工幸不溺明言  
使者亦溺隨秋色獨上天暗用乘槎斗牛事眞解頤句



峽口

峽口大江間西南控百蠻二句城欲連於堞岸斷更青山

二句開闢當天險防隅一水關二句控百蠻亂離聞鼓角秋氣

動衰顏二句起

下章

崖岸繞青山也自開闢以來天設其險而瞿唐水關人  
之防隅者只此一路故地險守亦易耳此時  
重角一聲伏氣忽動離離聞之如此衰顏何

時清關失險世亂戢如林去矣英雄事承時荒哉割據心

承世亂句蘆花留客晚楓樹坐猿溪疲茶煩親故諸侯數賜金

公自注主人作中丞頻

險則險矣但時清則盜賊衰息雖有天險安所用之仁  
亂則寇盜縱橫雖有天險亦不足恃當年劉先主誠美

雄其德撫有全蜀惜乎其事已去彼公孫述何人亦曾  
躍馬稱帝割據一方其心亦祇自荒耳今日江上蘆花  
留客已晚岐間楓葉坐猿偏淡我老病之人疲茶已  
敢煩親故損惠相將乃頻頻賜金出自諸侯高誼何  
以堪之哉

秋風二首

秋風淅淅吹巫山上牢下半脩水關

二句防秋

吳檣楚柁牽百

丈屢向神都寒未還

二句民困於役

要路何日罷長戟戰自青羌

連百蠻中巴不得消息好瞑傳戍鼓長雲間

四句發明前戡

首傷盜賊未息

巫山巫峽秋氣蕭森矣月令涼風至

完堤防況此上牢下半為峽內地水關之脩葺尤急也

時往來水關外者或吳檣或楚柁無非輸運以入京都

暖時向神都而渡秋猶未還民力艱哉所以然者必安

路梗塞也要路使塞者必盜賊多干戈未休也而況上

羌白蠻兵連禍結遂使中巴之消息斷雲間之戍鼓

水關之魚  
亦爲此耳

秋風淅淅吹在衣東流之外西日微天清小城搗練急石

古細路行人稀四句不知明月爲誰好早晚孤帆他夜歸

會將白髮倚庭樹故園樓臺今是非四句

次傷故園不得歸 吹巫山秋風淅淅寒漸進矣況大江東流東流之外西日亦  
微秋風淅淅吹在衣則刀尺欲動搗練所以急耳東流  
之外西日微則馬首誰託行人所以稀耳日沉月生嗟  
此明月不知爲誰好也月出孤帆可行計此孤帆亦早  
晚將衣歸也誠得夜歸導導庭樹不已身在故園樓臺  
明月中哉但不知早晚孤帆果得夜歸與否徒令人懷  
故園樓臺今日是非何若耳○巴船夜行故曰夜歸

西閣二首

巫山小搖落碧色見松林百鳥各相命孤雲無自心層軒

俯江壁要路亦高深

六句西閣

朱綬猶紗帽新詩近玉琴功名

不早立衰疾謝知音哀世非王粲終然學越吟

六句西閣感懷

閣傍巫山秋色搖落特較他方為小搖落所以松栢一帶尚餘碧色耳於時白鳥飛栖者各相引類孤雲往來者自為卷舒百鳥不能為孤雲之無心孤雲不欲為百鳥之相命我其孤雲哉顧此西閣上有楹軒既俯江亦俯壁下為要路江既深壁復高我今居此自念為郎曾佩朱綬朱綬猶然紗帽吏耶隱耶兩無取矣自若觸境頻有新詩新詩得近玉琴高山流水庶幾似之陳朱綬期早有建立耳功名不早立朱綬徒然也賦新詩自近知音耳衰疾謝知音新詩何用也惟是哀世不同王粲鄉思猶之莊舄世雖無知音者安能禁我終學越吟耶○朱綬為仕者服紗帽為隱者

巾朱綬猶紗帽謂雖仕猶隱也

嬾心似江水日夜向滄洲

與結句相應

不道含香賤其如鑷白

休經過凋碧柳蕭瑟倚朱樓畢娶何時竟消中得自由豪

華看古往服食寄冥搜詩盡人間意兼須入海求

十二句都承上

章後半  
截意

此悠悠江水長向滄洲去者我之懶心誠然似之所以  
合香之職原不爲賤蟻白之年且復歸休而況身所經  
過動周碧柳心無栖薄時倚朱樓尚平之累未完茂陵  
之病常作手彼豪華之境住古誰在服食之餘冥搜寄  
興我意常在求仙耳所以詩雖淡造不過人間庶幾入  
海島訪蓬萊以畢我餘生而已矣○滄洲如海外三山  
結句入海求正次  
句日夜向滄洲也

社日二首

九農成德業百祀發光輝報效神如在馨香舊不違

四句社日

南翁巴曲醉北雁塞聲微尚想東方朔詆諧割肉歸

四句社日

感之

此因伏社傷久客。昔少皞以九扈爲農正，使各隨土  
宜以教民，其成物溥，其利民大，故光輝之發，百祀如一。  
日耳奉黍盛以報效之，九農之神如在也。卽明德以薦  
馨香，百祀之舊典不遠也。唯是我非南人，居南則亦南  
翁既醉，聽巴渝之曲，我其竟老於南，與我本北人，居南  
喜聞北雁，側耳覺塞聲之微。我終不得歸北，與猶憶當  
年在朝，每逢祠社，詔賜從官，曾叨分肉。今南翁曲酣，北  
雁聲微，想方朔之談諧，割肉歸遺，細君祇有神往而已。  
陳平亦分肉，太史竟論功。今日江南老，他時渭北童。  
嘆之歡娛看絕塞，涕淚落秋風。鴛鴦回金闕，誰憐病峽中。

留滯之歎

承上章。獨東方朔哉。陳平於里社日亦曾爲宰，分肉  
分肉細事耳。乃平自言宰天下如是肉，太史竟以陳平  
之志見於社下，論其佐漢之功，常陳平分肉猶少年也。  
人見我今日爲江南老，不知往年生長長安，爲渭北兒  
童，亦如陳平分肉時乎。奈何歡娛之舉，徒看絕壁涕  
淚之落，止向秋風計此時。在朝臣子賜肉歸者，從鴛鴦

則金闕亦誰憐江北  
故人老病江南也

### 江月

江月光於水高樓思殺人天邊長作客老去一霑巾玉露

圓清影銀河沒半輪

二句承上句

誰家挑錦字燭滅翠眉慳

應思殺人

我見江月面光於水但見月不見水此時月在江上樓  
在月中人在樓裏何以遣此蓋由作客天邊長無歸日  
又經老去輒一霑巾也月之映水者彷彿玉露圓影水  
之映月者不啻銀河沒輪不滅江月光於水哉計此時  
對月者不獨高樓旅客明月關山之際長征之客未還  
其家人豈無挑錦思遺者挑罷燭滅燭滅見月翠蛾之  
怨其情與高樓之客無異但不知是誰家  
婦耳此霑巾彼輒霑同是高樓思殺人也

吹笛

吹笛秋山風月清誰家巧作斷腸聲

二句總

風飄律呂相和

切月傍關山幾處明

二句正見風月清

胡騎中宵堪北走武陵一

曲想南征故園楊柳今搖落何得愁中却盡生

四句發明斷腸句

山爲秋山吹笛於此風月倍清夫巫峽猿啼其聲斷腸今吹笛之聲亦能巧作不知誰家有此傷心調耶風月清何如笛中律呂風飄如和風清無非笛清也曲裏關山月傍偏明笛清能使月清也斷腸何如昔者陳朝周弘讓賦長笛吐清氣有胡騎北歸之句今日吐蕃竟項聽此亦堪北走馬援南征武陵袁生吹笛作歌和之有滔滔武溪之句今日軍麾幕府聽此應想南征且笛中有折柳一曲因想故園楊柳當此清秋搖落應盡不意笛中吹出乃是楊柳之調得毋搖落者忽生信哉乃作斷腸聲也

孤雁

孤雁不飲啄飛鳴聲念羣誰憐一片影相失萬重雲望盡



似猶見哀多如更聞

六句孤雁

野鴉無意緒鳴噪日紛紛

二句寫意

雁爲孤雁飲啄何心聽其飛而鳴之聲安於孤又苦自  
作孤孤遠於羣又苦不忍離夫羣其聲切切蓋念羣也  
雁雖孤但有一片影羣何在前有萬重雲誰憐其與羣  
相失竟一片之孤萬重之遠不復能相及哉望盡矣其  
影有無似猶見焉哀多矣其聲斷續如更聞焉孤雁有  
意緒如此若野鴉鳴噪紛紛耳紛紛則不孤矣○此詩  
似傷諸弟分散隻處夔峽

遺愁

養拙蓬爲戶茫茫何所開

二句領至末

江通神女館地隔望鄉

臺漸惜容顏老何由弟妹來兵戈與人事回首一悲哀

拙本我素亦賴能養既養拙不妨蓬爲戶但我本東蜀  
南北人豈甘杜門寂守者今竟一望茫茫何所開也  
蓬戶外近有神女館江自通耳我不能卽圖出峽也遠  
有望鄉臺雖終隔矣我何由再赴成都也而況容顏老

矣豈能再少弟妹分矣欲見無由夫江雖通而地自隔  
兵戈已梗塞客顏老而弟妹疎人事又蹉跎回首茫茫  
終何所  
開耶

夔府書懷四十韻

昔罷河西尉初興薊北師不才各位晚敢恨省郎遲  
扈聖崕峒日端居滌瀕時萍流仍汲引樗散尚恩慈  
遂阻雲臺仗常懷湛露詩翠華森遠矣  
自首颯妻其十二句拙被林泉滯  
生逢酒賦欺文園終寂寞漢閣自磷淄  
病隔君臣議慙紆德澤私揚鑣驚主辱  
拔劍撥年衰社稷經綸地風雲際會期  
血流紛在眼涕泗亂交頤四瀆樓船泛  
中原鼓角悲哉聚連日翟戰在落丹  
雖先帝嚴陵寢宗臣切受遺

山猶突騎遶海競張旗田父嗟膠漆行人避蒺藜總戎存

大體降將節卑辭楚貢何年絕堯封舊俗疑長吁翻北寇

一望卷西夷不必陪玄圃超然待具茨

陪寓幸陝一節

凶兵鑄農

器講殿闢書帷廟筭高難測天憂實在茲形容真潦倒蒼

效莫支持

以上申明昔得扈聖空峒今不得叨陪玄圃

使者分王命羣公各典

司恐乖均賦斂不似問瘡痍萬里煩供給孤城最怨思綠

林寧小患雲夢欲難追卽事須嘗膽蒼生可察眉議堂猶

集鳳貞觀是元龜處處喧飛檄家家急競雖蕭車安不定

蜀使下何之

數句客夢時事

釣瀨疎墳籍耕巖進夾基地蒸餘破

扇冬暖更纖絺豺遘哀登粲麟傷泣象尼衣冠迷適楚藻

繪憶遊睢賞月延秋桂傾陽遂露蔡大庭終反樸京觀且  
僵尸高枕虛眠晝哀歌欲和誰南宮載助業凡百慎交綏

以上申明端居絕湏意

猶憶天寶十四載我河西罷尉改授兵曹庶幾致身之  
秋乃祿山稱叛前北兵與仕宦又蹉跎矣自分不才前  
此各位不嫌其晚後此省郎豈恨其遲惟是是聖聖崆嶺  
以至端居灝灝一生踪跡何其萍流騁散耶豈無汲引  
徒沐恩慈遂阻雲臺空懷湛露耳況侍從久違翠華終  
遠孤臣作客皓首淒其已矣終無望矣白歎青雲薄命  
酒肆賦身住年非忤下考功卽應詔退下雖集賢召試  
文闈之分終懼幸天祿校書漢閣之投不與惟時祿山  
犯闕朝議紛然自病下寮一籌莫佐空慙皇餐三賦受  
知幾度揚鑣羸服奔闕而急主辱幾回投劍扈從還京  
而幾年衰國運中興正社稷經綸之地拾遺初授爲風  
雲際會之期血流在眼淚落交頤四瀆樓船一朝盡下  
中原鼓角到處堪悲賊壕互白翟之墟戰瓦落丹墀之  
上乃收京而後光帝遂有寢廟之脩彌留未幾于儀親

受河東之命。此時慶緒之餘孽雖平。朝義之遺孽猶在。國家誅求。細及爲弓之膠漆。道途裹足。爭避禦馬之塵。蔡今上乃救雍王爲總戎。而漁陽之孽遂萌。降將羣節卑解。以納款而河北之鎮誤留。大體徒然。負固自若。於是楚貢未入。滄海堯封。終外薊門。方向北冠。而長吁又見西夷之帝卷。致今上遂有具茨之幸。我智扈聖。崆峒雅欲叨陪。玄圃嘆非襄城之七聖。不得追隨。獨訪大隗於其茨。能無迷野。幸而車駕適返。尚非歸馬之時。黃屋雖間。未是談經之日。忽焉鑄囚兵。關講殿。廟弄誠高矣。化憂不免焉。然而憂天無益。報主難酬。豈非崆峒扈聖。回首茫然。玄圃叨陪。自傷無分。與今日端居灋源時事。有可嘆者。朝廷遣使四出。王翊爲稅錢使。義請爲鹽鐵使。權酷紛然。青苗到處。尤分主命。各典厥司。惟是賦斂不均。嗟淒莫問。雖然者。已徧中原。最怨者。莫如夔府。賦重民窮。盜起亂作。絲林嘯聚。勿以萑苻而忽。諸雲夢爲遊施。諸俾將而已晚。正富嘗胆。懲前事之失。尤須察危。得小人之情。與其務繭絲。毋寧清政本。必使議堂之人。爲盈庭集鳳。庶幾貞觀之法。爲今日元龜。不此之務。而羽檄喧飛。何日而息。雖乃競急。無濟於時。彼處蕭車。欲安未定。此方蜀使。又下何爲。適滋擾耳。無足取也。我也。

嚴光釣瀨之餘久疎簞簞鄭子耕巖之暇但進矣其變  
州地蒸雖餘破弱終見棄也岐中冬暖更著繼絙亦過  
時矣王粲之悲豺虎不見長安尼父之泣麒麟傷哉吾  
道楚國之人輕衣冠變猶是也睢水之人工藻槍變不  
然也月延秋挂晚景未衰葵傾太陽丹心尚在古大庭  
氏爲至治之世亂版還治大庭之撲有時反也強如安  
史珍滅無道蠹茲蜀寇綠林雲夢之徒耳行見京觀高  
築鯨鯢遂封高枕之餘虛眠清晝哀歌之際歆扣誰人  
白首淩其豈有志於勸業南宮猶在當讓績於故人今  
日大臣諸將欲成功圖像當各堅其志勿學秦晉之戰  
交綏而退可也我端居觀瀕時之意如此○崆峒在平  
涼府肅宗嘗幸公扈從其處昔黃帝訪廣成於崆峒故  
詩中玄圃具茨連類而及其在河南隱指代宗幸陝  
釋悶詩亦有失道非關出襄野句左傳楚昭王涉睢濟  
江入雲中盜攻之注曰入雲夢也篇中雲夢欲難追疑  
連上綠休句皆指寇盜況吐蕃入寇代宗奔陝猶吳入  
楚楚昭王之出也追往事以爲鑒卽不忘河北之難意  
難追言悔之無及耳蓋此段敘賦重民勞民勞盜起引  
來瑱事似未合時顏真卿上疏必以太  
宗自觀爲法貞觀是元龜語意正合

十六夜觀月

舊挹金波爽皆傳玉露秋關山隨地闊河漢近人流四句  
谷口樵歸唱孤城笛起愁巴童渾不寐半夜有行舟四句

見所

此月不如今夜金波之爽昨已挹之不獨我耳凡脫月  
者皆傳此月為玉露秋也此時月裏關山隨地俱闊月  
光使之闊月邊河漢近人欲流月光使之流觀月如此  
忽聞帶月歸唱者有谷口樵對月起愁者有孤城笛至  
於巴童豈不寐之人半夜非行舟之候亦愛月不寐  
愛月行舟所謂皆傳玉露秋者信無一人不觀月哉  
贈李十五文別

峽中鳥獸居其室附層巔下臨不測江中有萬里船四句  
多病紛倚薄少留改歲年絕域誰慰懷開顏喜多賢孤

陋忝末親等級敢比肩人生意氣合相與襟袂連一日遣

兩僕三日共一筵揚論展寸心壯筆過飛泉立成美價

子山舊業傳不聞八尺軀常受眾目憐以上敘李十五來夔且為辛

苦行蓋為生事牽北回白帝棹南入黔陽天四句敘李十五之豫汧

公制方隅公自注汧公李勉也宗室鄭惠王孫迴出諸侯先封內如太古時

危獨蕭然清高金華露正直朱絲絃昔在堯四岳今之黃

頴川八句美李汧公于邁恨不同所思無由宣山澹水增波解榻

秋露縣客遊雖云久亦思月再圓晨集風渚亭醉操雲嶠

篇丈夫貴知己歡罷念歸旋以上送別

峽人巢居室附巔末下臨者不測之江而有客所繫者

乃萬里之驅夫豈久羈峽中與鳥獸居人為伍者惟是



多病紛然百慮簡。鴈留絕域遂改歲。華所足慰者幸。  
有我賢在而賢又戚也。自維孤陋得忝眷末。何圖行序。  
復列差肩。況意氣合。襟袂連。頻問起居。常叨宴衍。也以  
言才華。揚論之際。寸心忽開。酒筆之餘。飛泉忽湧。以言  
世業。如韋玄成之嗣。章賢復以明經致相。似庾肩吾之  
有庾信。亦以清新擅名。且文彩一身。衣冠八尺。似此器  
宇。豈受人憐。何以有此辛苦行。蓋被生事。牽不得已。自  
鯨取道之豫章。將謁李汧公勉也。汧公在像其治。迺出  
諸侯上。封內不授有如太古。危時庶務。獨見蕭然。其地  
望清高。如挹堊露。露其人品正直。若張朱紱。於唐堯為四  
岳。諸侯在西漢為潁川太守。惜我干過。不獲追隨。使我  
所思無由共展。李丈行矣。當此山空木落。洞庭始波。計  
丈到時。汧公懸榻。定為爾解。但我客遊既久。常思故人。  
今日晨集離亭。醉染佳句。將以壯子行。亦期于早旋耳。  
行矣。李丈勿忘故人也。○按蕭宗駐蹕靈武時。管崇嗣  
背闕坐李勉彈之。肅宗曰。吾有李勉。朝廷始尊。其正直  
可知。宜此詩中有。

江上

江上日多雨蕭蕭荆楚秋

二句江上

高風下水葉永夜攬貂裘

二句承秋

勳業頻看鏡行藏獨倚樓時危思報主哀謝不能休

四句感時

江雨蕭蕭秋氣至矣雨來風急木葉都飄夜寒披衣貂裘欲攬此時思勳業惟頻看鏡耳鏡中顏色少壯幾何平生竊此稷與契者安在此時念行藏惟獨倚樓耳樓外乾坤蜂煙未靖平生窮年憂黎元者何為當此內寇外夷蠲蠲鼎沸天子孤立社稷傾危時事如此誰為報主者敢云哀謝遂置勿問哉

季秋蘇五弟纓江樓夜宴崔十三評事韋少府姪三首

峽險江驚急樓高月迴明一時今夕會萬里故鄉情

四句江樓

夜星落黃姑渚秋辭白帝城

二句點季秋

老人因酒困堅坐看

君傾

二句自述為三章之主

江本急也峽險則驚月原明也樓高則迴江樓開夜宴  
舉一時今夕此會難得也夜宴舉主客集萬里故鄉此  
情倍親也況河鼓星光今宵已落孤城秋色此夕將辭  
傾倒何惜哉所惜者老人病酒不勝杯罍惟有堅坐看  
諸君痛飲而已

明月生長好浮雲薄漸遮悠悠照關塞悄悄憶京華

四句

清動杯中物高隨海上查不眠瞻白兔百過落烏紗

四句

意之

月本長好漸爲雲遮幸而浮雲不得其明耳仰看關塞  
不禁迢迢忽憶京華能無悄悄此時杯中之物病不能  
飲但見月光浮動其中至海上之查惟月光隨之而去  
堅坐者安能奮飛哉堅坐則不眠不眠則但瞻白兔白  
兔之光百過而落烏紗之上老人堅坐如此諸君何惜痛飲也

對月那無酒登樓況有江聽歌驚白髮笑舞拓秋窗蟬蟻

添相續沙鷗竝一雙

六句寫諸君

盡憐君醉倒更覺片心降

挽

堅坐看君傾意

既對月諸君不可無酒沈登樓又有江以臨眺乎於時諸君飲而歌吾不飲但堅坐而聽君歌歌聲壯白髮爲之驚諸君飲而舞吾不飲但堅坐而笑君舞舞袖長秋宵爲之拓對月有酒矣揮酒正如灑而添續登樓有江矣江鷗方比翼而雙栖未幾醉倒真覺諸君酒量非老人可及至此心降淡服諸君酒德令老人三舍避也所謂堅坐看君傾與

### 西閣雨望

樓雨霑雲幔

一句西閣雨

山寒著水城逕添沙面出湍減石稜

生菊蕊淒疎放松林駐遠情

五句雨望

滄沱朱檻濕萬慮倚簷

楹

二句雨望之慰

樓雨霑幔尚未滂沱但見寒山與水城一色耳隨水城而望雨開沙而汲逕爲添雨洗石稜湍痕若減循寒山而望雨中菊蕊疎放堪憐雨裏松林遠情欲駐未幾雨勢湧沱豈待雪幔微霑已覺朱檻背濕樓頭孤客獨倚簷楹萬慮橫生高危可懼矣

戲寄崔評事表姪蘇五表弟韋大少府諸姪

隱豹溪愁雨潛龍故起雲泥多仍徑曲心醉阻賢羣

四句阻雨

忍待江山麗還披鮑謝文高樓憶疎豁秋興坐氤氲

四句奇詩

意之

豹欲澤毛以成文彩故須霧雨今隱矣又何必雨爲此溪愁耳飛龍在天空有興雲施雨之功今潛矣故起雲欲何爲哉雲雨則泥多泥多而徑復曲則羣賢見阻愛而不見我心如醉矣夫泥多仍徑曲是江山晴麗正未可必想諸君欲待江山晴麗而後來訪亦何忍矣心醉阻賢羣是鮑謝之文無日得披我則旦暮思見定知有

日還披耳憶昨江樓宴會高秋晴露何等疎豁一時  
秋興共坐氤氲諸君何不惠然使我徒憶往日耶

晚晴吳郎見過北舍

圃畦新雨潤媿子廢鋤來竹杖交頭拄柴扉隔徑開

四句吳郎

見過欲栖羣鳥亂未去小童催明日重陽酒相迎自醅醕

四句

去而訂之

圃畦經雨正好課鋤廢鋤過訪我滋媿矣子廢鋤過我  
策杖迎不覺足之前而杖欲交頭既策杖迎遂開扉接  
溪喜舍在北而扉只隔徑乃客方來羣鳥欲栖者已亂  
客未去小童欲歸者已催今日不及款留明日重陽早  
過快飲不  
再訂矣

九日諸人集于林

題面不曰九日集諸人于林竟曰九日諸人集于林集  
諸人于林公集之而至諸人集于林諸人自集于林也

文詩中有

九龍句

九日明朝是相要舊俗非老翁難早出賢客幸知歸

四句題面

舊采黃花賸新梳白髮微漫看年少樂忍淚已霑衣

四句題情

舊俗九日登山飲酒以免災厄集諸人於林亦似登山飲酒而非如舊俗之免災厄爲此相要也但老翁如我艱於早出年少若諸君幸賓至如歸耳而況舊采黃花尚有餘興今梳白髮漸覺稀疏疎諸君少年及時行樂老夫雖忍淚相陪也不禁霑衣矣

夜

露下天高秋水清空山獨夜旅魂驚

二句領至末

疎燈自照孤

帆宿新月猶懸雙杵鳴南菊再逢人臥病北書不至雁無情步檐倚杖看牛斗銀漢遙應接鳳城

橫空露下仰見高天俯見秋水有客於此空山寂歷獨  
夜蕭條旅魂暗驚矣遙見宿秋水者有孤帆疎燈獨照  
忽聞響高天者有雙杵新月同懸我旅魂何以驚蓋由  
我非南人頻逢南菊彼菊非使人臥病者今依然臥病  
意者非菊累我我實妨菊也我本北人猶望北書彼雁  
所藉以寄書者今北書不至意者非故人念我雁實  
無情也若牛斗二宿原在銀漢銀漢清光直接鳳城我  
步擔筒杖仰看牛斗庶幾因牛斗及銀漢由銀漢達鳳  
城是北書雖不來南菊終當別其如銀漢迢迢鳳城渺渺何

秋日寄題鄭監湖上亭三首

碧草遶春色沅湘萬里秋池粟山簡馬月靜庾公樓

四句  
秋日

湖亭磨滅餘篇卷平生一釣舟

二句  
自感

高唐寒浪滅髮髯識昭

丘二句  
預期

草碧色至秋而遶一望沅湘秋光萬里闊矣遙想習  
池山公騎馬之興應自不廢更想庾樓元規乘月之興



知亦不淺我磨滅之餘但留篇什平生之事只一釣舟  
少待秋淡水靜高唐浪滅會須身到南湖昭丘遺跡尚  
彷彿繼之也

新築湖邊宅還聞賓客過自須開竹徑誰道避雲蘿

四句湖亭

官序潘生拙才名賈誼多捨舟應卜地鄰接意如何

四句寄詩

之意

此湖上亭所新築者往來賓客應亦不乏賓客過則竹  
徑須開竹徑開則雲蘿難避人道其開竹徑以延賓誰  
道其避雲蘿以逃世我官序之拙有若潘生子才名之  
多直如賈誼以我拙宦似子多才呼既新築湖亭我將  
卜鄰湖上了其許我否

暫住蓬萊閣終爲江海人揮金應物理拖玉豈吾身

四句築亭

湖上之故  
羹煑秋尊弱杯迎露菊新賦詩分氣象佳句莫頻頻

四句  
傾寫

于本江海人昔居蓬閣幾違素志今江海之興始末不  
渝矣況物聚必散揮金乃理之自然身貴何榮施玉非  
吾所固有今日尊羹下鼓興比季鷹菊露流杯情同元  
亮他日我來卜鄰賦詩聯句共分南湖之氣象遮莫佳  
句頻頻而有也

### 秋興八首

秋興二字出簡文賦賦曰秋何興而不  
盡興何秋而不傷秋興八章盡矣傷矣

玉露凋傷楓樹林巫山巫峽氣蕭森江間波浪兼天湧塞

上風雲接地陰

四句寫巫峽秋氣

叢菊兩開他日淚孤舟一繫故

園心寒衣處處催刀尺白帝城高急暮砧

四句無家之感

首章離鄉之感悲哉秋也萬象搖落乃玉露團團凋  
傷之象楓先受之況山島竦峙巖壑深肅蕭森之氣更

何如耶我久欲訴江南奈江間波浪兼天而渡波在下勢若兼天蝮螭之縱橫可知我久欲辭塞北歸奈塞上風雲接地而陰風雲在上勢若接地烽煙之擾攘可知所以栖遲南國看叢菊之開還似去年將涕淚之揮何日得免也北望長安嘆孤舟之繫解纜無期是故園之心終成留滯也當此抄秋苦寒正授衣之候家家刀尺催製新衣衣成擣衣之聲急不能緩嗟我客子何堪薄暮砧聲入耳耶

夔府孤城落日斜每依北斗望京華

二句承前暮字

聽猿實下三

聲淚奉使虛隨八月槎  
藹省香爐違伏枕山樓粉堞隱悲

殆

四句都寫望京華情事

請看石上藤蘿月已映洲前蘆荻花

結起下章

此章去國之感。健刀尺急暮砧仰而見夔府孤城落日斜當此日薄虞淵天荒地老孤臣萬里若門九重所灼然者北斗耳舉頭見斗不見長安然而遙隔北斗之瞻下是京華之地當此朝廷失政藩鎮不臣星其之義不意辰居之象安在我心依北斗極目京華與言及此安得挽斗杓直上哉望京華而不見因之下淚我聽猿

而淚猶之感叢菊而淚也古云猿鳴三峽淚霑裳今在  
巫峽聞之信非虛語望京華而不見或者乘槎我奉命  
出華何不可乘槎返國也語云八月乘槎犯斗牛今憑  
北斗思之茫無實據往者爲郎雖賤庶幾盡省之中爐  
香親惹自傷病廢不能躬直承明命蹇如此是京華以  
伏枕而疎也茲焉作客殊方惟見山樓之外粉堞周遮  
每至黃昏邊聲四起世亂如此是京華以悲涕而厭也  
吾一夜所感如此漫漫長夜何時得旦不見月光所照  
繼到石上藤蘿又映洲前蘆花夜將  
曉矣日月如流終成留滯亦奈之何

千家山郭靜朝暉日日江樓坐翠微二句信宿漁人還泛

泛清秋燕子故飛飛

二句江匡衡抗疏功名薄劉向傳經

心事違同學少年都不賤五陵衣馬自輕肥

四句江

此章失志之感 蘿月沉秋花隱起而見千家山郭靜  
朝暉千家住山郭之傍山郭在朝暉之內秋光淨爽  
氣淒清乃千家盡傷山郭江樓獨倚翠微日日坐江樓  
江樓終始矣望京華則每依北斗坐翠微則日坐江樓

豈非舍北斗則此心無依離江樓卽此身亦誰寄哉江樓下所泛者有漁人彼漁人有何住者今已信宿而還泛泛江樓中之客空去而久不去是亦信宿漁人也江樓外所飛者有燕子彼燕子秋以爲期今已清秋而故飛飛江樓中之客空歸而久不歸是亦清秋燕子也亦知此逗留江樓者幾經抗疏青蒲上矣自出貶司功以來遂丹雘之日遠彼匡衡抗疏而還太傅我也抗疏而遭貶斥功各比匡衡而薄矣亦知此依栖江樓者曾思傳經石渠閣矣自獻賦失志以來歎儒術之難起彼劉向傳經而微受穀梁我也傳經而詩書牆壁心事擬劉向而遠矣日日江樓坐翠微所傷者漁人燕子爲羣同學少年何在也所悲者匡衡劉向不若同學少年何如也遙想五陵年少衣馬輕肥亦念有客江樓伴漁人侶燕子悼功名之不立悵心事之多違乎輕肥者亦自輕肥耳所謂厚祿故人書斷絕者正此屬與

聞道長安似奕碁百年世事不勝悲

提下六句

王侯第宅皆新

主文武衣冠異昔時

二句正見似奕碁

直北關山金鼓振征西車

馬羽書遲

二句時事

魚龍寂寞秋江冷故國平居有所思

有所思三

字包下

此章提出長安起下四章。羈巫峽坐江樓長安風景不復見矣。惟有託之於聞。長安為自古帝王都。秦漢以來變遷不一。大勢只如奕基耳。開國者往往得勝算亡國者往往留殘局。誰知前人勝算即為殘局。所基後人殘局。又為勝算。所起然則勝算未可恃。殘局未可拋。善奕者因殘局為勝算。不善奕者變勝算為殘局。得失何常之有。長安變遷且無遠追。即百年間世事多可悲者。長安中第宅萬戶相連也。今王侯易而第宅已易主。一時大臣宿將競崇新第。甚而浮屠木妖徧滿京師。世事之可悲者一。長安中衣冠萬民所望也。今文武異而衣冠亦異。舊如貂蟬乃侍中冠也。一變而總戎皆插如旌旄。本節鉞儀也。一變而奴隸皆麾世事之可悲者又一。彼當國者但知營第宅飾衣冠。關山金鼓之聲車馬羽書之警。誠有褒如充耳者。豈知直北關山金鼓尚振。是河朔餘孽正未靖也。況乎征西車馬羽書又遲。是吐蕃猖獗終無已也。然則長安碁局依然可覆之碁局。世事

如此彼王侯第宅雕甍翠瓦者何異燕雀處堂文武衣  
冠爭妍取憐者不過蜉蝣掘穴與言及此一盤殘局無  
史下子所為對秋江之淒清感魚龍之盤伏頓  
覺開寶年間故國不平之事歷歷繫懷也已

蓮華宮闕對南山承露金莖霄漢間西望瑤池降王母東

來紫氣滿函關雲移雉尾開宮扇日繞龍鱗識聖顏六母追賦

玄宗一臥滄江驚歲晚幾回青瑣點朝班二句放逐之感

一思蓬萊殿長安宮闕自紫宸北為蓬萊山勢已盡  
獨對南山況承露金莖所云仙人掌者又聳然霄漢當  
年明皇誠勤政親民則蓬萊宮闕豈非向明出治之所  
而乃出宮闕而西望思下王母於瑤池由宮闕而東來  
空候函關之紫氣我亦曾獻賦於蓬萊宮闕當鳳曆軒  
轅之代正龍飛四十之春此時明皇御蓬萊宮闕紅雲  
捧而雉尾移皇帝宸儀如在天上朝敞射而龍鱗繞小  
臣等見只此一時當年以杜陵布衣得瞻雲日以二毛  
老叟能感聖恩亦誰知有今日滄江之以與曾不知自  
何年一臥在滄江遲暮遂至於此蓋猶憶靈武回鑾之几

身與瑣闥誰料華州貶斥以來滄江便臥危首蓬萊祇  
腸斷耳○金莖承露如當年官中繁壇燗樂等事明皇  
度貴妃為女道士是瑤池王母也降玄宗於孔昌街是  
函關紫氣也雲移二句若解作拾遺時事青瑣朝班語  
為重複且以下四章皆思玄宗年間故國平居之事一  
字不及肅代青瑣朝班亦為滄江放逐之故追言之耳  
瞿唐峽口曲江頭萬里風煙接素秋二句花萼夾城通御

氣芙蓉小苑入邊愁

二句寫曲江往事

珠簾繡柱圍黃鵠錦纓牙

櫺起白鷗

二句寫風

回首可憐歌舞地秦中自古帝王州

二句警戒

一思曲江頭我由瞿唐望曲江有萬里之勢矣然瞿  
唐此秋曲江亦此秋瞿唐之秋搖落堪憐曲江之秋蕭  
條似此明皇往日亦曾遊幸其處遊曲江必從花萼樓  
而來入芙蓉園而止乃御輦則自夾城而達蓋夾城之  
中為複道從南內竟達曲江其中深沉杳隔往來者但  
通御氣夫以夾城複道之深遠君王遊幸但聞御氣之



通庶幾芙蓉小苑之流連別殿徵歌永絕遷愁之入乃  
當年邊愁之入又安得禁也青海之烽煙頻傳南詔之  
喪亂見告誰料平安之火不報潼關漁陽之箭忽吟細  
柳此日邊愁一入而花夢芙蓉便為灰燼曲江往事如  
此今由翠唐一萼惟有蒼秋素秋而已曲江宮殿千門  
萬戶向曾珠簾繡柱矣今日素秋中黃鶴空圍耳曲江  
龍角橫流汴波向曾錦纜牙樯矣今日素秋中白鷗時  
起耳曲江本歌舞地何以此自有長安以來不知幾  
人帝幾人王大畧勤儉者必興逸豫者必亡明皇一  
日不戒罹百年為戎之禍有國家者尚回首知戒也

昆明池水漢時功武帝旌旗在眼中織女機絲虛夜月石

鯨鱗甲動秋風波漂蕪光沉雲黑露冷蓮房墜粉紅六句

池關塞極天惟鳥道江湖滿地一漁翁二句

一思昆明池昆明池水乃漢時穿鑿之功也當年武  
帝習戰於此至今旌旗猶在眼中乃昆明池水猶昨武  
帝旌旗安在哉昆明以象天河立於池上者舊有織女  
其機絲更久久虛夜月之往來武帝旌旗不見矣昆明

時與雷雨置於池上者舊有石鯨其鱗甲動搖猶助秋  
風之蕭瑟武帝旌旗不見矣池中有菰光經波漂而黯  
澹難尋料已沉雲俱黑也旌旗之影尚有波底否池中  
有蓮房經露冷而凄其欲絕可憐墜粉猶紅也旌旗之  
影還拂露中否眼中之旌旗不見池上之物色空留當  
年月聲心傷今日想像神傷身遠故國仰見關塞極天  
夢斷長安俯見江湖滿地迢迢鳥道無限烽煙泛泛漁  
翁堪悲身世能勿興哀於昔年之窮兵黷武哉漢武  
穿池習戰以象昆明為征足明夷也明皇連擊南詔事  
同漢武公往在長安目擊其事有兵車行詩故曰在眼  
中平津書漢旂昆明池治樓船旂幟  
加其上其壯旌旗二字亦非漫下

昆吾御宿自逶迤紫閣峰陰入漢陂香稻啄殘鶩鷓粒碧  
梧棲老鳳皇枝佳人拾翠春相問仙侶同舟晚更移六句  
漢陂

綵筆昔曾于氣象白頭吟望苦低垂二句  
自傷

一思漢陂昔年漢武廣開上林南至昆吾御宿猶我天  
寶末年在長安待詔時嘗俯見吾御宿而行到紫閣峰

言遂入漢陂也陂上有香稻往時鸚鵡所啄者歎一飽  
之無時啄應殘矣陂上有碧梧往時鳳皇所栖者恨千  
仞之無自栖應老矣漢陂之遊何如猶憶春泛有青蛾  
皓齒之歌舞是佳人拾翠也春風自信牙檣動斜日徐  
看錦纜牽此其時乎猶憶夜遊有岑參兄弟之好奇是  
仙侶同舟也船舷暝憂雲際寺水而月出藍田關此其  
時乎我待詔長安日遊漢陂宦情亦澹矣先是獻賦已  
感宸聰繼而蹉跎一官不就回首綵筆昔年曾干氣象  
者安在今日白頭吟望止有低垂更欲仰首伸眉一吐  
生平之氣何可復得哉○吟望即前望京華之望望蓬  
萊望曲江望昆明望漢陂望之不見而思思之不見而  
仍望屈子被放行吟澤畔騷顧不忘正吟望二字意○  
公身騎夔府心在長安前三章當以夔府為主後五章  
當以長安為主於夔府而憶長安則託之望故曰望京  
華望長安而不可見則託之思故曰有所思前三章都  
從望中寫出身居夔府不樂居夔府之意後五章都從  
思中寫出心在長安不得見長安之情以言天時巫山  
玉露何如霄漢金莖也塞上風雲何如蓬萊雲日也以  
言地勢白帝城之凄其何如秦中爲帝王州也瞿唐峽  
之風煙何如曲江爲勝遊處也以言人事件山都之十

家何如與拾翠佳人春相問也。侶信宿之漁人何如與  
同舟仙侶。曉更移也。以言物理。下叢菊兩開之。異同  
碧梧香稻。爲可念也。看江樓燕子之飛。何如鸚鵡鳳凰  
爲可懷也。長安之係人思如此。今日之長安不然矣。今  
日長安。霄漢金莖猶然否。蓬萊雲日猶然否。想見者夜  
月。機絲秋風。鱗甲不勝寂寞耳。秦中爲帝王州。猶舊否  
曲江。爲勝遊處。猶然否。想見者花萼樓邊。芙蓉院裏。不  
勝荒蕪耳。拾翠佳人。猶登紫閣否。同舟仙侶。猶泛漢陂  
否。想見者王侯第宅。文武衣冠。不勝變遷耳。碧梧香稻  
猶然如昨否。鸚鵡鳳凰。依然無恙否。想見者。孤米沉雲  
蓮房。墜粉不勝淒涼耳。況孤城之落日。當樓三峽之哀  
猿。入耳悲痛。隱而如訴。孤舟繫而不開。寂寂魚龍。秋江  
獨臥。淒淒刀尺。旅夜偏驚。想故國之旌旗。感少年之裘  
馬。滄江遲暮。難回青瑣之班。絳筆蹉跎。空起白頭之歎  
眞可謂秋何興而不盡  
興何秋而不傷也已

寄柏學士林居

自胡之反持干戈天下學士皆奔波歎彼幽栖載典籍蕭

秦路依山阿青山萬里靜散地白雨一洗空垂蘿亂代

飄天余到此古人成敗子何如

以上敘  
林居

荆揚冬春異風土

巫峽日夜多雲雨赤葉楓林百舌鳴黃泥野岸天雞舞盜

賊縱橫甚密邇形神寂寞甘辛苦幾時高議排金門名使

蒼生有環堵

以上勉  
學士

此勸學士出山自安史作亂干戈至今學校廢詩書  
輟學士流離失所矣歎彼載典籍依山阿是亦伏生轅  
固之流惜乎萬里青山暴露風雨靜散之地但有垂蘿  
如子林居者亦亂代飄零之故耳但不識古人成敗載  
諸典籍誰為濟時而成誰為失身而敗學士審處果何  
如耶彼荆揚春冬風土獨異巫峽日夜雲雨偏多如百  
舌多言鳥之小人感陰始轉今爭鳴於赤葉楓林際是  
小人得志充斥空乎盜賊縱橫也彼天雞知時鳥之君  
子空處宵漢今起舞於黃泥野岸間是君子感時而思  
有為不甘於形神寂寞也願使縱橫者密邇寂寞者

自辛苦哉。人抵君子處世。獨善非難。濟時爲貴。今學士  
林居環堵蕭然矣。其如蒼生暴露何。庶幾排金門。拜高  
議。使蒼生各有環堵。以免於內溝。此時天下爭頌學士  
功名。出於尋常萬萬。則數年來之下戈。一朝休息。卽  
人成敗。有厚卑不足  
數者。學士果有意否。